

OPERE
DIVERSE
DI
M. ANDREA
CALMO.

Di nuovo reuiste, & corrette.

Biblioteca del Principe Fabretti
Roma.

1804.

poi di



*Fagnone
Serui*

BIBLIOTECA NAZ.
ROMA
VITTORIO EMANUELE

IN TRIVIGI,

Appresso Fabritio Zanetti. M. D C.
Con licentia de' Superiori.

18

1

18

18

18

18

18

18

18



AL MAGNIFICO, E GE-
neroso Conte el Signor Bran-
dolin Fiol unico.

*Del Signor Guido Conte della Valle
de Marin.*




ANDREA CALMO S.


Mle son pi ca certo, che alla gran-
dezza del vostro sangue, à i me-
riti del vostro intelletto, e alla
bontae del vostro cuor: beso-
gnerae altra forma de laude, al-
tro stil limao, e altra più degna persona: laqual
appresso la elegantia del dir con pi dotte, e pi
ricche parole, spandesse l'odor, el profumego,
e la suauitae di vostri anni, ben messi: ma e dirò
(quel che ho sentio asiando piccolo à rasonar
da i nostri vecchi) che tanto fa cauedal, e si ap-
presia, e anche tien conto, vna persona zentil,

A 2 humana

humana, e amoreuole, de vna creatura che ghe presenta vn oltrega . sentieramente , che de vn centener de cieuali da vn che i daga in don per far vna boria di fatti zoe per aspettar l'equiuallente el contracambio il regresso della cortesia chel ga dao vu mo sieghene securo. Adunca dolcissimo studioso , e zouene fruttuosissimo , e mio amichebile Signor , che de sta mia puoca bassa, e sterile fadiga , destirà fuora della meola, e della raife del tronco della mia naturalitae, infondesta dal benigno Gioue, per beneficiarme anche mi de qual cosa al mondo . la dono la conciedo, e si la renuncio, alla vostra fama eterna, azzo che la sia so scudo, so corazzina, e so bastion, da chi la volesse offender , e massime d'alcuni che ghe fa mal le scarpe strette del compagno che ghe pesa la vesta d'inverno, e chel Sol ghe scalda l'acqua de instae, qualtae de zente acerbe, crude e teuere, contra la vertue : inimisi capitali del fauelar aliegro, del scriuer faceto , e dell'operar cortese , zeneralmente con tutti, con belle argutie, bei tratti, e belle suilitae, ditte non fine quare e con qual che sentimento, e però sti maligni del continuo no fa altro che parabolonar , e far rasonamenti al vulgo tanquam inuide del ben de altri, e domandeghe può à lori fil Cielo è azzuro, i ve responderà che i no fa la causa , che mai ste bobbe no varda in alto: ma sempre sta cazzai in fango ,
da

da porchi, talmente, che per abriuiarla, tutte
 ste sorte de zente, e i schiopetti, le lance, e i ar-
 chibusi, che da in ti fianchi de i affadiga virtuo-
 diosi. vummo che se commentao dalle Muse, e la
 uao in Elicon, e vestio da Mimerua; ve degne-
 r   sar   contento, e si ve pia  r  , che    sentando
    trombizar fuora de preposito, sti chiachiaro-
 ni. de farghe quei rebuffi, quei arlazzi, e quelle
 vergogne che merita la so profontion, suppli-
 candoue    t  gnirme in conserua drento el vaso
 della vostra sauezza, alla qual mansueto, me
 inchino, con vna degna reuerentia    basarghe
 la suaue man, e al Signor vostro pare, per mille
 volte me offerisco, esserghe affettionao seruo,
 in ogni tempo che me sar   concesso la union
 della mia puoca fatura, Valete.







O ve marauegiè cari Signori,
 Si son intrao à fàr sta bizzaria,
 Che per no dirue ponto di busia,
 Vedo che'l mondo vuol de sli saori.
 So che dirà certi compositori,
 Che son uergogna à Donna Poesia;
 Ma se i sauesse la mia fantasia,
 I saraue i mie primi deffensori.
 Me par ch'ognun pol fàr del so ceruelo
 Zo che ghe piaxe al sagramento mio,
 E chi nol crede, si uaga al bordelo.
 L'è pezzo hauer el lauezzo schachio,
 E le calze fruae, con el mantelo,
 Cha far el grandò dottorao, à Lio.
 Si hauesse beuuo in Heliconà,
 E manzao de l'herbe de Parnaso,
 O che à le Muse hauesse dao del naso;
 No saraue trattao da una pipona.
 Mo sil piastesse al puto de Latona,
 Che caualcasse sora del Pegaso:
 Faraue dir de me, onde che taso,
 In fina che Minerva me spirona.
 Perche si ben e son dalle contrae,
 Nassuo infra canestri, ree, e treziole;
 So far d'un pan tre fette, e do panæ.
 Altro ghe vuol, cha centure, e parole,
 A fàr si tegnir sanij in ueritæ,
 Se no se par da Mascare Verole.

Le Muse si m'ha tolto à zudegar,
 E vuol che al mio despetto sia poeta;
 Dagandome vna certa riegoleta,
 Che sauerò, senza mai studiar.
 Parnaso si m'ha dao puo da manzar
 De le so herbe, in t'vna fritoletta,
 E Elicon m'ha messo una borseta,
 per far me ogni grossezza euacuar.
 Minerva al cao m'ha fatto vn'onzion;
 El Pegaseo si m'ha tolt' à redo sso,
 E Apollo m'ha donao el so Liron.
 Giunon m'ha dao el so rochetto in do sso,
 E Mercurio el parlar de Ciceron;
 Grassò, ch'a puochi el Ciel ghe cola adosso.

Benedetto sia'l zorno, e'l mese, e l'anno,
 E le stason, el tempo, e l'hora, el ponto,
 E la contrà, el liogo, onde fu zonto
 Da quel bel viso, che me fa gran danno.
 Sia benedetto el primo dolce affanno,
 Ch' Amor m'ha dao, quando son sta conzonto
 E l'arco con le frezze, che m'ha ponto
 D'vna piaga mortal, piena d'inganno.
 Benedetta la boxe, el so parlar,
 I passì, el sonno, i vecci, e la bellezza,
 I andamenti, el star, el caminar.
 Sia benedetta quella so vaghezza,
 El so vestir, col so pulio manzar
 Da far la morte star in allegrezza.

9
Zonto Alessand'ro à la famosa tomba
De mistro Achille : suspirando disse
O fio, ti ha trouà pur bona tomba
De sier Homero, che cosi ben scrisse.

Ma la mia pura, e tauarà colomba,
Che al mondo mai per lie si no sorisse
In tel grosso mio stil poco rebomba;
perche'l besogneria el parlar d'Ulisse.

O seu Febo, Mercurio, e vu Orfeo,
Ouidio, Ennio, Verzilio cantaori,
Con Ciceron Horatio, e Tholomeo.

Più che vu ghe darè i vostri fauori,
più le brigae la mostrerà col deo,
Digando ua chel te sta ben sti honori.

O belle man, che m'a llegrao el uiso;
O uita galantina, petto bianco,
O bona gratia, che m'ha auerto'l fianco,
portando'l cuor nel petto à morte anciso

Occhi sassini, sotto un brauo friso,
De laudarue, mai no sarò stanco,
Quando saroio un zorno per vu franco
De cusi caro, e cusi gran seruiso?

Cho penso à la presentia tanto degna,
Ston tutto stupefao amiratiuo,
Se'l caga sangue adesso no me vegna.

Da che hora haueroio el vostro oliuo
Anema mia? d'ogni vertue pregna,
Che muoro in vu, e in vu retorno uiuo.

Dolce

Dolce ire, dolce paxe, dolci sdegni,
 Dolce mal, dolce ben, e dolce peso,
 Dolce parlar, dolce uardar suspeso,
 Dolce pensar, e dolci, e bei desegni.
 Dolce'l trattar, cho i dolci pegni,
 Dolce quel zorno, che fo uento, e preso,
 Dolce le hore, che son stao offeso;
 Più dolce, che si hauesse mille regni.
 Dolce quel passizar per geometria,
 Dolce quei so uardari mansueti,
 E dolce'l so mostrarse in ogni uia.
 Dolci occhi, che si dolci fa i so sonni:
 O dolce uita, con golosi effetti,
 O dolce carne, o dolci cari donni.

Parerà forsi stranio à le brigae,
 Se lauderò culie, che me tormenta,
 In fatti, in ditti, o doue me talenta;
 A stretto da la so rara beltàe.
 Amor m'ha dà manzar de ste panàe,
 E vuol ch'al mio despetto me contenta:
 De sorte che'l Tesin, Po, Sil, e Brenta,
 E i monti, e i boschi, si ha de mi pietàe.
 No trouo con presenti, o seruitue
 Vna bona parola, ni un cignetto,
 Ben puouere fatighe, mal passue.
 A grizzoli, ho pur qualche saoreto,
 Ma slagagnoso, che par pie de grue,
 El restò stago, cho fa un cagnoletto.

Si credesse per morte insir de pene,
 Col mio bizzacho restaria amazzao,
 O ingropando la becha strangolao,
 Ho ponto à una à vna, le mie uene.
 O ueramente battuo con tre caene,
 Tanto, che m'haueria desnombolao,
 O in t'un canal me saraue negao,
 O impio de piombo le recchie ben piene.
 Ma el dolor, che ho sì furibondo,
 Causao d'Amor, pien de mille duoli,
 Me durerà, fina in l'altro mondo.
 El remedio saraue, à uarir presto,
 Far do agui, in un tratto, in una calda,
 zoe, che Madonna, e mi fesse del resto.

Ascolto pur, e no aldo nouella,
 De quella cara, dolce mia nemiga,
 Nì so che far, nianche so che me diga.
 Chel cuor teme, e speranza s'il pontella.
 Ghe noio ben, e sia mo brutta, o bella,
 Pezzo che una Gabrina, o qualche striga,
 E fin che uiuo, la sar à mia amiga
 Perche'l mio cor con sue bellezze appella.
 Perche no se comuoue à passion,
 Qualche mio amigo, e far che la se placa,
 Che l'è mercede, aidar un tribulao.
 Von à la beccaria, come una uacca;
 Tanto Cupido, me tien infrezzao,
 Perchel cognosse, che son troppo bon.

*La chel ciel, e la terra, el uento tase ;
 E che ogni anemal dorme de uena
 La notte, le so stelle à torno mena,
 E in tel so letto, el mar senz'onde zafe.*

*Mi pianzo penso, & ardo in tre fornase
 Continuamente, per mia dolce pena ;
 Ond ho la mente d'ira, e dogia piena :
 Ma pēsando à Madonna ho qualche pase
 Perche certo colù, ch'è innamorao,
 Sconuen patir sette mille supplitij,
 E può, à male stente e cognossuo .
 Se puol chiamarlo ben desgraciao ,
 Chi dorme in tela, e cerca di silicij ,
 F dirghe, o gramo ti e pur mal nafsuo .*

*© inuidia nemiga de uertue ,
 Ch' à un bel principio mē vien cōtrastādo
 Chi t'ha mandao s'in presa desturbando
 Le mie allegrezze adesso cognossue ?
 Quante cittae, per ti e romase nue,
 Che le so zente, sempre lagremando
 Va per el mondo, i so drappi fruando,
 Da far pietae, a' Cingani, e le grue .
 Grama descauià secca poltrona ,
 Piena de rabbia, e de mille furori ;
 Che fa schiauo, chi diè portar corona .
 Safsina d'ogni requie, e d'ogni honori,
 Brutta, gaioffa, trista mascalzona ,
 Cason de le mie pene, e i mie dolori .*

Mille fia o dolce, e cara ombrella,
 per hauer da i nostri occhi negri, pase,
 E uo proferto el tuor: ma nol ue piase,
 Anzi haue in odio, chi ue ne fauella.

Vu se al mio nauegar una gran stella:
 Ma el bon tempo che ho si ue dispiase
 E soffro, che chi ama, uede, e tase
 per scapolar, la debel nauesella.

Si che no più Siroco, ni Garbin:
 Ma una chiara, ferma Tramontana,
 che me conduga à l'honoraio camin.

No me fe più tirar si longa alzana,
 Cuor de diasprio, d'azal, e serpentiu;
 Basta che za do anni son quintana.

Cesaro può, che T holomeo d'Egitto,
 De sier Pompeo, ghe donete la testa,
 Celando in tel so corpo, fe gran festa;
 Benche in tra le persone el stesse afflitto.

E quel altro Anibal, che fo sconfitto
 Dife Fortuna ti m'è pur molesta,
 Ridando se stracè el uiso, e la uesta,
 Vedando'l tempo, che giera prescritto.

Cusi intrauien à diuerse brigae,
 El dolce garbo, e i piaferi in pianto,
 El sono in tranagiosi passizari.

Perzò, si qualche uolta balo, e canto,
 Fago per no giazarme al Sol de instae,
 Che mal sta un pouer hom senza danari.

Stemo

Stemo amor à vardar la nostra gloria;
 Che vederemo cosse belle, e nuoue
 Con certe gratic, che da l'aria pious,
 Per adempir vna pomposa boria.

Horsu, che scomenzemo à far instoria
 De la Ninsà de Venere, che muoue
 Si dolce squadra, ne s'intende doue
 V'arà sta donna hauer si gran vittoria.

Le onde verde l'alega, i pessetti
 Va compagnando si care barchette,
 Pregando i remi, che ghe daga adosso.

Le velme, le peschiere, e i canaletti
 A regata ghe sona le trombette,
 E Nettun va ballando tutto rosso.

Amor sotto acqua vna superba rede
 Si messe per piarme, e farme gramo:
 Onde spogiao nudo, come Adamo,
 Andà à nuar sora de la fede.

Cho fu in mezo, e che'l gioton me vede
 Chriete; è tanti zorni che te bramo
 Da chiaparte co se fa el pesse à l'amo,
 Per romagnir di fatti tuoi heriede.

Ghe dissi, mo perche sti tradimenti?
 Messier Cupido; à mi che son purazzo,
 Che mai offesi pur vn'anguella.

Lu à ridando me trasè in tun sangazzo
 Digando no fruar più la to mella,
 Perche no voi seruir chi no na denti.

*Ah bella libertae, dolce, e' suaua,
 Ti xe partia da mi per far barrato
 Con la mia inemiga con tal pato,
 Che lie tegna el mio cuor sotto tre chiaue.*

*Ston sempre in gran fortuna con la naue
 Di mie pensieri, e ogni dì combato
 De sorte che le mie fadighe hatrato
 pezo che da Feurer no fa le raue.*

*Ho in odio sì qualch' vn pi me rasona,
 De piaseri, e solazzi, e no de morte,
 Tanto'l dolor in corpo me spirona.*

*Si ho ben danari, e che balla, e che sona,
 Sempre el martello me bate à le porte,
 Tanto poder ha in mi sta ribaldona.*

*Al mar da Lio à premando à la riuà,
 Donde rote dal vento pianze l'onde,
 Subito uiti quelle carne monde,
 Che'l dì, e la notte fa che per lie scriua.*

*Amor che drento al mio corpo bogià,
 Mille tranagi per le drece bionde,
 Me spense in tun canal, che i pessi sconde,
 Cascando à mo vn a bestia meza vina.*

*E asfando mi solo pur tafiti,
 A benche da vergogna vini rosso,
 Considerando la mia trista sorte.
 Megio che pussi al Sol e me sughiti,
 Tremando da paura insin à l'osso,
 Chiamando al mio soccorso morte morte.*

Meteme

Meteme in acqua, in boschi, in monti, in fuoco,
 E doue el sol si desgiazza la neue,
 Meteme anca doue i dragoni beue,
 O doue che gli afflitti ha tristo luogo.
 Meteme in fra le simie à far un zuogo
 A l'agiere seren, al fosco griue,
 Meteme in fra cauerne per un siene,
 O in altra parte famegio de un cuogo.
 Meteme in tun paltan, o adosso un louo,
 In ualle, in grotte, o in qualche palui,
 In battaglia crudel, o in gran fortuna.
 Meteme à far la guarda anco à la Luna,
 Sarò sempre costante, come fui,
 Ni mai d'amarue un passo no me muouo.

Chi nol sa, che mi uiuo per manzar?
 E per industria o sia buono, ò rio
 Chiè quel che uol cercar el fatto mio?
 Si consumo, e si attendo à trionfar?
 Chi nol sa, che no uogio bastasar?
 Ni andar à questo, e à quel tutto el dè drio?
 Ni seruir tal murlon, tal chichibio,
 che no xe boni gnianca da brusar?
 Chi no sa, che si hauesse di ducati
 Ogn'un me cauerue de bareta,
 Si ben fosse sta cuogo anche di gatti?
 Chi nol sa, che sta terra si perfetta
 Fa carezze à un poltron uende mostarda,
 E nn sanio à briga ch'un furfante l'uarda?

Ho cercao sempre de star solitario,
 Cho sana mio compagno mistro Antonio:
 Ma la sorte m'ha dao per matremonio
 Tutte le cosse, che me xe in contrario.
 Che si douesse ben star con Sempronio,
 Senza compagni, sempre mai zauario.
 Ereuera, ho trouao sul Calendario,
 ch'ogni instrumento vuol vn testemonio.
 La societae, e la bona amicitia,
 Si zioua pur assae, cho la xe semplice,
 E no ribalda, piena de tristitia.
 Ohime, che no ghe xe si no zenzania,
 Fraude, belle parole, e solfarielli;
 Onde sento al mio cuor, una gran smania.

Etremo tutto, col me uien à mente,
 El zorno, che lassì cusi sdegnosa
 La mia Donna sì bella, e gratiosa,
 Che me pregaua tanto humanamente.
 Adesso cho la uedo, reuerente
 M'inchino, ella se ne sta pensosa
 Infra le so compagne, à mo una riosa,
 che staga in mezo d'herbe spuzzolente.
 Voraue dirghe pur sia mia bon zorno,
 può digo ti fa pezzo poueretto,
 che le donne s'inalza alle preghiere.
 Ho paura de far un dì matierie,
 Tanto Amor m'ha priuao de l'intelletto;
 Temo anche de morir, si no retorno.

Siando incolorao, con sier Amor,
 Per tanti soiamenti, chel m'ha fatto
 Lu da despetto, me fe un brutto atto;
 Vn dì, che rasonaua con mia Sior.
 El giera armao de sotto el vardacuor,
 E disse voio far con ti un baratto;
 E me tirete un gran colpo da matto,
 Drento di fianchi, che me zonse al cuor.
 Si fattamente, ch'in tel dì d'ancuo
 No son uario de cusi fatta buta:
 Onde me trouo pi cotto, cha cruo.
 Etanto in corpo el fuogo, si me scota,
 Ch'asianao d'inuerno, sempre suo;
 Onde son da la zente tolto in nota.

Alboro uittorioso, e trionfal,
 Honor d'Imperadori, e de Poeti,
 Quanti ne fastu andar magri, e lindeti,
 Che per ti no n'ha prò, ne cauedal.
 Per certo le brigae, si fa un gran mal,
 Quando se uede spiriti deserti,
 Che per catina sorte, e poueretti,
 A no impirghe d'ingioistro el caramal.
 Zentilezza de sangue, ni bel fante
 Armigero, piacente, o uertuoso,
 no s'apriesia si no, quanto besogna.
 Vn sauiò el mondo, el reputa fursante,
 E muor da fame, chi è troppo inzegnosso,
 no consiste à piar pesse bona tognà,
 O casa

O casa bella tanto sontuosa,
 O cameretta ben seguro porto,
 O letteselo mio, requie, e conforto,
 O Donna iufra le altre luminosa.
 O contrà saoria, e gratiosa,
 O sorte ti m'ha fatto pur gran torto,
 O ciel; perche no son'io quel dì morto?
 O pur no fusio stà mai mia morosa.
 Che quando penso à quel dolce reposso
 A i cari basi, e i stretti abbrazzamenti,
 Me par andar su l'arcumbè à redosso.
 Fortuna ti me xe sta sempre adosso,
 ne mai ti habuo piatae di mie lamenti.
 De tornar à lica almanco vn'osso.

Seno ne Amor, che cosa è quel che sento?
 Che puol mo esser sto mio gran fastidio?
 Onde cha i aumali, e i morti inuidio,
 Tanto son fuora del mio sentimento.
 Perche frustarme, si no me lamento,
 Da perder la patientia à miistro Egidio,
 E deuentar murlon miissier Ouidio,
 Quando ghe manca un certo so contento?
 Sarauio mai malao da qualche sia,
 che no me trouo in terra, gnàche in barca
 Pur ho intorno del cuor mille tormenti.
 Mi e credo certo andar de curto uia:
 Tamen e rido, e son parecchiar l'arca,
 Per dar un liogo al fin di mie accidenti.

Se'l mezo, el fin scontrasse al so prencipio,
 Da ventisette mesi, che suspiro,
 E quando à la rason tal fine me tiro,
 Me trouo pi infogao, meschin Alipio.
 Le fadighe di antighi, Oratio, e Scipio,
 Hauena pur vn dì qualche respiro;
 Mo mi, chel mio pensier sempre destiro,
 Per la mia Donna son casso, e mancipio.
 Cusi mancando va le mie speranze,
 Talmente che no posso star in piè;
 E fruo l'intelletto, e la memoria.
 No credo mai bauer da lie vittoria;
 Perche la se accordà con certe Arpie,
 Che le so lingue al cor m'è stocchi, e lāze.

In nobel sangue, vita humil'è quieta,
 E in bon intelletto, vn brauo cuor;
 Frutto mauro, in zokenetto fior,
 E in aspetto pensoso anema litea.
 Ha messo in questa Donna el so pianeta
 Ogni reputation, & vero honor,
 Le degne laude, colme de valor,
 Da far stracar vn dottrinà poeta.
 Amor s'ba in lie, con honestae conzonto;
 Con natural bellezza, habito adorno,
 E vn atto che parla con selentio.
 Gh'è vn no so che in ti iocchi, ch' in vn ponto,
 Puol far luxe de notte, e scuro el zorno,
 El miel amaro e caualcar Terentio.

Amor

Amor me ponze, e può stropa la vena,
 M'assigura, e spauenta, brusa, e agiazza,
 Ride, e se sdegna, me chiama, e descazza,
 Tegnandome in speranza, e hora in pena.
 Per el mondo stracando, el mio cuor mena;
 Hora basso, hora in alto cento brazza,
 Fagandome carezze, e può me strazza;
 E fa che la memoria, e vuoda, e piena.
 Vn bel pensier d'amigo si me mostra
 La strada del giardin da i pomi d'oro.
 Onde ogni innamorao resta contento.
 La no vien passion, o doia in giostra:
 Ma Ninfe bianche, che val vn tesoro,
 Ni se arecorda pi fiamma, o tormento.

Mi e no fu mai d'amar tanto stracao,
 che ancora mi no fesse ogni fadiga;
 E lassè pur fia mia, che tutti diga,
 che i fa per romper quel, ch'è fabricao.
 Vu no m'hauè sior cara ben prouao,
 che sempre stento, cho fa la formiga,
 e reuera non hauere altra briga,
 che da lauar le muande al Tomao.
 Donca si son per vu, diselo presto,
 e no me fe gittar via le parole,
 I passi, el tempo, e anche l'intelletto.
 Tiremo vn puoco, i nostri conti in resto,
 Ficando boni pali, in le gresiole,
 che no sta ben ni vu, ne mi imperfetto.

Pien d'un uecchio pensier, che me desuia
 Da le persone, e me fa andar mi solo,
 Mesurando da l'un, e l'altro polo,
 Col ceru, lo, quant'è longa la uia.
 Ohime che son cargao de zelosia,
 E à torno'l cuor ghe vn superbo solo,
 Che la mia donna si l'ha tolt'a nolo,
 Per far più fiamma in la mia fantasia.
 Che sarà può, cho sarà brustolao,
 E desteso per morto in cassetto?
 So vergogna, e mio danno in ueritae.
 So ben che la dirà, o pouereito,
 El m'agrieua, el me diol, me fa peccao:
 Ma tardi l'acqua, à le case brusae.

De dì in dì, non muando el uiso, el pelo,
 E pur m'incozzo à i amorosi hami;
 ni me desbrazzo da quei uerdi rami;
 Si morte no me desse d'un quirelo.
 Sarà'l mar suto, e senza stelle'l cielo,
 E i monti se farà in più rotami;
 Starà le calte su senza legami
 che mai da i occhi lieua el caro uelo.
 Fagame la Fortuna mille inzurie,
 che starò sempre saldo in t'un preposito,
 Quàt un diamante, d'un superbo ancuzene.
 E si ben tal fae sospiri gomito;
 Per questo el cuor si no deuenta ruzene,
 ni mai me destorrà Pluto, o le furie.
 E ho

E ho pianzesto, adesso canto, e ballo,
 E d'allegrezza e spuo, che fazzo un fiume
 Daspuò che Gione m'ha dao del so lume;
 cauandome de si cattiuo fallo.

M'haueua fatto adosso el uitio vn callo,
 Fuora del mio antigo, e bon costume;
 Tal che per strada, o in le ociose piume,
 El senso à la rason feua interuallo.

Me trouo più lizier, cha pena, o pagia;
 Tanto son bescargao de una gran soma,
 che me tegnua tutto impaltanao.

Quei che uedeua, me deua la bagia,
 Co si fosse un balon senza fiao:
 Pur son tornaio, co i dise in rima à Roma.

Vn zorno me uoi metter la zornea,
 E rasonar tutte le mierason,
 E zapar in tel uiso co un zapon,
 A chi è senza creanza fango, e chrea.

Medusa è questa, anzi crudel Medea,
 che me tratta da vn mollo, e da un melon,
 E me da un poro in man, per un piron;
 perche ne la mia Idea la tegna Dea.

E si la fronto, ghe voi dir sul fronte
 Ingrata sia pur drento le to grotta,
 che no uogio to fiabe, che me fiuba.

E certo in la mia mente ho fatto un monte;
 E atorno'l cuor una cheba concuba,
 Si ch'al mio pesce, le to rete è rote.

*Passera solitaria in ti cogoli ,
 Non è come son mi si spaurosa ;
 Ni donna in casa, cusi lagremosa ,
 Quando se schita sotto i so fioli .
 Donzella no fo mai sotto i lenzuoli ,
 Si timida, si grama, e vergognosa ;
 Ne tenca, ni goata cusi ombrosa ,
 Vardando de Cupido i so stracoli .
 La volontae, el pensier, è l'appettito ,
 Si fa combustion in le braghesse ,
 E si ho paura de no far soffrito .
 Venere dise frar, el me recresse ,
 Tal galde el mondo, che se fa polito ,
 Altri ba'l confetto, e mi castagne lesse .*

*Bissi, che per far beffe, e baffe, e buffe ,
 Se più valente, che sier Mallacise ;
 Co i vostri andari pieni de deuise ,
 Accompagnae da morse tutte muffe .
 De ris, e ras, con vu perdè le ruffe ,
 Che volè vuoue, che farza pernise ;
 Perché haud adosso vna certa raise ,
 Che v'aida da zeffi, zaffi, e zuffe .
 Si che per ogni villa, e valle, à vella ,
 El vostro nome tira, tore, in terra ,
 Mostando in frota, in freta, boni frutti .
 Vu haud fra mille, la più malla mella ,
 Che in do moti, fa colpi, mati, e muti ;
 Tanto quel ferro, fora onde la ferra .*

Dirmo cuor, e saluadegaria vogia;
 In dolce, cara, bella, alta segura,
 S' il pefoco dolor, e passion dura,
 Besognerà in zapon, che me despogia.
 Che quando muor qualch' vn caze vna fogia,
 Hora è di chiaro, hora fa notte scura,
 Pianto d'hauer perduto la mia ventura,
 Con Amor, e Madonna che me sogia.
 De speranza me cibo tristolando,
 E non in mar, e si ho retta la proua,
 Onde chiamo soccorso, e nignun alde.
 No ne turco crudel che lagremando
 Butao in zenocchion che no se muoua,
 Ma lie si ride, e del mio mal si galde.

Cho vedo la mia Donna da dolcezza,
 E tremo, e suo, e pianto, e me l' arido,
 Fagandoghe cho i occhi de reuido
 Saltando, e scbitolando d'allegrezza.
 Cho son lontan vegno in tanta tristezza,
 Cho fese per Enea Madonna Dido,
 Pien de sospiri de nignun m' infido,
 Tanto son spento, e ponto da gramezza.
 Quando vegnimo può su i parlamenti,
 E che tornemo alle nostre zanzette,
 E'l par c' habbia confeto sotto i denti.
 La me fa vn puoco arsar su le molette
 Auanti che se vegna su i franzenti,
 Cusi intransien a chi no na scarpete.

Andando

Andando un zorno à Lio col mio famegio
 Per ueder à pescar su la marina,
 Trouiti desmontando vna puttina,
 Sorella del Forner de canaregio.

La giera in cima un gran monte de megio,
 E cantaua bon di bella rosina,
 Ghe dissi ben vegnua bella fantina
 Vorriahauer vn poco, el to conséglio.

La ride, mi la vardo, lie si senta,
 Digando, che ve par caro missier
 Vegna la frieuè à chi no se contenta.

In questo dir ui zonze il zoccoler
 Onde fu forza à far vna polenta
 Che me sape mior che de Feurer.

Aqua remedio al fuogo, che me scota,
 Soccorso, agiuto al mio cuor brustolao,
 Che'l pouereto xe sa sta assassinao
 Da vinti donne tutte in t'vna frotta.

Cupido po m'ha dao sì gran bota
 Da drio via, che son sta trapanao
 El fianco, col bonigolo, el figao,
 Ficando l'arcobuso, e la balota.

E in quel che voggio scamparghe de i piè,
 Venere si ma tratto in tel mustazzo
 Vna corbetta piena sol d'herbette.

De sorte che son tanto compienazzo,
 Che zorno, e notte, e son mattieriette,
 Fin che hauerò da Madonna sto impazzo.

Missier

Missier lo prior caro de ueluo ,
 cho feu, cho steu con Dona Poesia ?
 Si haue da nouo quälche fantasia ,
 Partecipe, con chi vu se ottegnuo .
 Certo daffuo che mi n'ho cognossuò ,
 E tante uolte scontrao per la uia ,
 Mai m'haue dao niguna bizzaria ,
 E tutti i nostri amisi ghe n'habuo .
 Degneue de mandarme vn presentin ,
 che ue darò anche mi qualche coffetta ,
 Da real hom , e uero cittadin .
 Deme un sonetto , o una flancieta ,
 Vu che leuè con le Muse à matin ,
 E che zioghe con esse alla fossetta .

E voio tanto ben à quel Muran ,
 che à diruelo certo in ueritae ,
 Ston in pensier de uender le mie intrae ,
 E uegnir là per starmene pi san .
 Ve zuro al sangue de sier Cantian ,
 che quando xe al tempo de l'instae ,
 E che son là ho tanta uolontae ,
 che si ben ho disnao , e magno un pan .
 Quei borti e pieni de herbe uliose ,
 E quel canal cusi chiaro , e pulio ,
 con quelle belle case si aierose .
 Pagheue po d'i ueri che xe in rio
 con tante creature , che par riose ,
 E di vegnirghe ho tutto il pensier mio .

Parabosco

Parabosco mio bello , inzucaro
Deme un conseio dolce frar , e fio ;
Perch'ol ceruello un puoco de scusio,
Vu ch'haue l'intelletto ben fermao .
Me trouo in letto , e son tutto agiazzao
Stago in tel sal , e magno deffauio ,
Ho pien la panza , e son indebelio ,
Rido d'ogn'hora , e'l cuor xe tribulao ,
La terra , e'l mar , i fiumi , i monti , e'l cielo
Me xe contrario : e fina i mie parenti
E'l pesce si me scampa del burchielo .
Ho la tosse , buganze , e mal de denti ,
E n'anco posso pì star in ceruelo ,
Si che aiuteme in sti gran accidenti .
Grosso morefco , zanforgia , lumaga ,
nassuo d'un lampo , e nudrigao de fumo ,
Babuìn reuoltao tutto in tun grumo ,
Manego de uiola , e d'una daga .
Caragolo che uien dal mar de бага ,
Mona in galoce , ranocchio legumo ,
Folpo , vecchio marin , si ben te sumo ,
Denti de striga , naso d'una maga .
Zeffo da mustazzoni , e pie in tel culo ,
Si te branco fantasma poetessa ,
Te insegnerò à componer da bulo .
Va impara l' A , B , C ; fio de una ueffa ,
Recchie de parcho , mustazzo de mulo ,
Sbotega , vituperio , Marguteffa ,
Inzenerao impressa .
Pedante da mosoni , grua in pantofoli ,
che'l te sta ben ch'ogn'un te dia di mocoli .

Vegno de notte al scuro in baotao;
 I rouo sotto 'l mio portego un brigente,
 C'haueua à lao uno mela taiente,
 Con vn bernusso à torno da shisao.

Digo chi è là? lu dise son petao,
 Ghe respondo ue portè malamente
 Star solo quà con quel ferro lusente,
 Da òe hore, in liogo, che xe denedao.

E cusi un tocca l'altro de parole,
 E vegnissemo po, à le spadazzae,
 Dagandosene cento, in su la uia.

Corse con luse uesini, e brigae,
 E con la scoua mia suor Margarita,
 Chel fessemo andar uia à braghe mole.

Von sabbao à tessera à comprar uin,
 E à no vogiando in tel far del mercao,
 Ghe dissi à quel uilan cul infangao,
 Nol uogio, che nol me par marzemìn.

E al sangue de misier beue bon uin,
 El ma si destramente bastonao,
 che si no me butaua in un fossao,
 Nohane sè dao de mi vn bagatin,

Caro frar ghe parliti perdoneme,
 In falò sier custu ho fatto sto error,
 Mai più in mia uita no farò sti atti.

Lu me respòse con un batti cuor
 Tuote de chiue, ua per i to fatti,
 Cho su in barca, è ghe dissi teteme.

L'altro

L'altro di un zaffolaro, mariol,
 A caminando in preffa in merzaria,
 Me rapè su i calcagni da drio uia
 Si fattamente, che ancora el me duol.
 Le san, e saluo missier Caranguol,
 che no me lasseraue dir busia,
 Perche el me uose dar una mentia,
 El pesti à mo el sabbion d'un'oriol.
 Può ghe ditti in ti fianchi co i pantofoli,
 Digandoi uilania poltron gagioffo,
 Macandoghe'l mustazzo con i occhi.
 Va porta uia ghe dissi mo sti zozzoli,
 e sora zonta ghe doniti un goffo,
 che i si tremar le uiscere, e i zenocchi.

S T A N Z E.



Vei occhi che somegia un
 gran feral,
 Più bei cha de pernise, e
 rosignol.
 Quei occhi d'angusigola, o
 dental.

Più bei cha da nedello, o cauriol
 Quei occhi d'un stornello, o d'un cocal',
 Più bei cha de una sepa, o de uaruol,
 Quei occhi che fa ogn'huomo innamorar,
 Quei occhi è quei che me fa poetar.

Fu che ascolte stè rime desdolae,
 e i scarfi mie sospiri lamentosi,
 Amor si ma le mie carne squarzzae,
 Per far i mie desegni gramezosi,
 Da dolor le muande se ha molae,
 Onde i pensieri roman vergognosi,
 Ni credo mai hauer il mio contento;
 Fin che no lieuo centura d'ariento.

Si Giove se muete in tun manzeto,
 L'haue rason per l'amor de Vropa,
 Ficanlose tra i altri el pouereto,
 Infìn che ella ghe montete in groppa,
 E lu presto corrandò de ficheto,
 Ghe fese altro cha petenar stoppa,
 Mi no me incureraue esser fallio
 Pur che fosse contenti vn zorno à Lio,

El zorno che seguì l'horibel caso,
 Che Amor con la balestra me trazete,
 Questo si fo de Luio à ponto à caso,
 Innamorao in tuna che fca rete
 Lu crete dar me al cuor, e de in tel naso,
 E la bota passà per le scarpete
 E si no me tiraua da vna banda,
 Perdeua i fiochi della mia muanda.

Vago digando per tutte le vie,
 Che Amor si m'ha tolto à zudegar,

No

Ni cusi alstiera vna aquila, o grifon,
 Ni oca, galo, grua, struzzo Indian,
 Quanto è de la mia Donna la vaghezza,
 che co la vedo, e schito da dolcezza.

Scaldaua el Sol, e si mostraua vn corno
 D'vn toro à le muande de teteme;
 Quando el mio corpo si pareua vn forno,
 Da gran fogor, de la carne che preme:
 Cusi stagando, se chiarite el zorno;
 Onde vna bosc si disse vardeme,
 Teua va studia Cocolin da ben,
 Che tu no farà mal fàr à me sen.

Stando sora pensier vna mattina,
 Le braghe se me uene à dezolando;
 e rasonando co una mia uisina,
 La me persona steua suspirando,
 onde s'accorse donna Franceschina
 che da lontan me andaua riguardando
 La me chiamete, e me fece zollar
 Zo che podesse meio rasonar.

Orfeo con la so lira in selue, in monti,
 Fera stalar in frotta i anemali:
 Mi per ogni contrà, su per i ponti,
 Ho fatto destuar mille serali:
 Diana per i boschi à i fiumi, e i fonti,
 Tegnua Ninfe, co i rocheti zali;

Mi per amor del to viso d'arzento,
Si ti me bafi, e morirò contento.

Dolce bochin, pulio, e saoroso,
Con la lengua sottila, cremisina,
Quel to basar è soaue, e mostoso,
Con quei lauri de riosa damaschina:
O soaue parlar tanto famoso,
Denti de perle, andar d'vna Rezina,
Me inzenocchbio Madonna à st' allegrezza,
Azzo che me infondè tanta dolcezza.

Che credistu da far orbo, carogno?
Bruto gaiosso, fio d'vna putana:
Cho ti me scontri, can senza vergogna,
Ti zioghi co si fosse vna quintana,
Mariol nate far onzer da la rognà,
Che ti ha piao da Sich, Ancroia alfana,
Che si no fosse per esser sbeffao,
Te romperaue'l muso smerdolao.

Perche son bon minchion tutti me soia,
E la mia donna dise che son goffo,
Unde drento'l mio cuor ho tanta doia,
Che da fastidio, e son vegnuo loffo;
Mo si scentro Cupido, laro boia,
In su le galte i voio dar vn toffo:
Perche le quel, che m'ha messo in bolleta,
Impiccao, mariol, sguerzo, zueta.

Si Buran, e Torcello fosse carta,
 E fosse ingioistro i nostri cauali;
 Anche i pontili, oue sta donna Marca
 Si deuentasse pene, e caramali:
 Si fosse man le botarghe da l'arta,
 E che vegnisse lengue i cascauali,
 E ogni sasso fosse compositor,
 No scriueria, zo che m'ha fatto Amor.

Che zionua conseiar vn martelao?
 Perche'l fa po'l contrario co le solo;
 L'homo xe perso siando innamorao,
 Chel no cognosce vn feral, da vn solo,
 Amor si è tanto can desgratiaio,
 Chel cerca sempre scauazarte el colo,
 E sil te chiappa, che ti sia uario,
 Tu puol ben dir che'l fatto sia spedio.

Se mai s'aldite à dir si caso bruto,
 Vignando l'altro dì da le contrae,
 Mi gh'era in barca, e cantaua in lauto,
 Tuoco lontan da le nostre Pallae,
 Vn zaffo mariol, me trete vn ruto,
 E messe man à sassi, targhe, e spae;
 Mi e me desissi, con la cinquedea,
 che spuiliti Tonin malla crea.

Si vardo col cerucello in tronca fila,
 Deuento vn'anguela stupefuto,

*Perche Madonna somegia vn'anguila ,
che no se puol brancar al primo tratto ,
La xe più fiera, che no fu Camila,
E assai più dolce, che n'el mandolato ;
Quando la ride auerzando la bocca ,
I denti si par risi in bruo de oca .*

*O passi sparsi, o affanni dolorosi ,
O memoria nigrosa, occhi scarpeli ,
O desio mal andao, sensi tegnosi ,
O vita fadiga, magri cerueli ,
O cuor de vaca , o spiriti tegnosi ,
O pensier storno, o desdolai bueli ,
Dise à la Donna mia co modo e stago ;
E si nol ghe recresse ghe n'incago .*

*Si Verzilio, e Homero hauesse visto ,
Quel Sol elqual mi vedo con sti occhi ,
Enea, Achile, Vlisse, con Egipto ,
Saria presi vardando i so zenocchi ;
Amor m'ha dito, che staga prouisto ,
Si vogio la manestra de fenocchi ;
Altramente si cazerò del viscolo .
E temo de no perder vn testicolo .*

*Andè rime dolente, e corè forte ,
chridè misericordia di mie mali ,
Andè suspiri , e tacheue à le porte ,
E rognè co sa proprio i anemali :*

Andè

Andè lagreme zonte da la morte,
 e creseghe à Madonna i so canali,
 Andè cuor à digando in ogni luogo,
 che al mio bragheto gh'è sta messo'l fuoco.

Amor, Madonna, e mi siando à solazzo,
 Intrassemo à parlar de amartelai,
 Onde Cupido me dete sul mustazzo;
 T'al che fu forza tirarme da vn lai,
 Madonna sil ferete per vn braccio,
 Con vn rebuffo, che zouete assai,
 Tuo ghe dise gioton, no nestu quello,
 che tuol, e da à la zente el martello?

El me par d'horain hora aldir el messo,
 che Madonna me manda à dir che uagha,
 perche certo ghe ua gran interesse,
 Si no andasse à saldarghe la piaga:
 ni dubito che co ghe sarò appresso,
 La uorà che do mesi può ghe staga,
 e reuera per quel che mi deslanego,
 no sta ben el martello senza el manego.

Per far una poltrona so uendeta,
 Amor drio de un canton stèua celao,
 e in quel che passo con la mia barcheta
 Fuora del rio, che buta à San Thomaò:
 Da laro el descroche una balestreta,
 con un bolzon, tutto quanto indorao,
 chel me passete el zipon de ueluo,
 e si no gh'era armao andaua in bruo.



Ranceschina de perle, e de veluo,
De safili, ballasi, e diamanti,
De porfido alabaſtro, e serpentin
D'oro, d'arſento, rubini, e Turchese
De ſcarlato, d'auolio, e d'ancipreſſo;

Più bellà cha vn varuol, e vn ſturion,
Bianca co ze la menola, e l'anguela,
Gaſante come l'alboro, e la horada,
che luſe co ſu vn ſuro, ſcombro, e chicpa,
Neta co e la molecca, e la granceola,
La pantalena, la capa, el granciporo:
Ti ha quei to occhi allegri d'anguzigola,
E negri co è la ſchena d'vna paſſera,
co i denti, che par proprio caparozzoli,
Roſſa co xe l'barbon, e la ſcarpena,
Moleſina à mo el go, ſardon, e anguila,
Guſtoſa come el ton, inchiò, e ſarache,
La truta, el carpion, e le ſcoranze,
Graſſa, che ti ſomcgi vn ſparo, e vn rombo,
Ti ſacrio cha luzzo, tenca, e cicualo,
Lizadra co xe i gamberi, e marſioni,
Pulia come le ſepe, e cape longhe,
Muſuli, cape ſante, e anche l'oſtrega,
Sapi ſior cara al ſagramento mio,
che te voi tanto ben zo boni zorni,
chel dì, e la notte, ti me ſta in la mente,
Fame pur di deſpetti, e di ſtraccoli,
che in fina che hauerò ſiao in corpo
T'amarò ſenza fin come te digo

Nì buto mai le ree, che del continuo
 No m'arecorda de la to bellezza,
 Più che m'in stesso, dolce mio riposo:
 E quando vedo el pesce che ho piao,
 I von a someiando à le to gratie;
 Digando almanco fustu quà fia mia,
 che te faraue vn don de la mitae,
 Si pesco à toгна qualche bel baicolo,
 Me par veder, quando'l mena la coa,
 coti è vestia da festa la Domenega,
 E tal volta che von à saltarelo,
 che i tregani me vrta infra le gambe:
 crio à digando, fosse quà Francesca,
 che me fa sospirar per so diletto,
 che l'haueraue almanco sto bel spafso;
 cusi co semo in vale, e à ostregar;
 Sempre me ston pensando del to uiso,
 E à le to maniere sì vliose,
 E può le vago tutte ponderando:
 E quanti pessi, che vedo co i occhi,
 c'habbia del bon, e digo infra de mi,
 careti chi somegia la mia donna,
 co i pio, co i cuoso, e to i uogio manzar;
 Te chiamo, e d'essi te fon vn presente;
 De sorte, che da tutte quante le hore
 Ti me se drento el cor, e infra le uiscere:
 Amame mò anche ti come io t'amo
 E sil te par, chel si à giusto, e honesto;
 AZZO chel mondo no te chiama ingrata.

PESCATORIA SECONDA.

Nicolosa fia dolce ti ha pur torto
 A tegnirme tanti anni apicolao,
 Timido, vergognoso, pien de smania
 Al timon de la barca de speranza,
 Si dormo, magno, camino, e che pesco,
 Sempre mai ston con ti à la fe bona:
 Ma certamente si hauesse seruiuo
 Vna Balena, vn Folpo, e vn Dolsin,
 In cao d'vn tempo el se haueria grizzao
 A no vsarme qualche cortesia:
 Cagasangue ti è dura da pair
 La to bellezza m'ha cusi sgninfao,
 Che ti me sta sul stomego d'ogn' hora,
 Almanco habbi dolor del mio stentar,
 E no esser vstinà, e colorosa,
 Sogiandomc ogni dì co fosse vn puto,
 Che me val esser tanto auuenturao,
 Pì ch'altri pescaori de Mazorbo?
 Nì che cho buto le ree in te l'acqua
 Le se impie in tun trato de pessoni,
 che i vendo le brancae de mocenighi?
 E quando credo può de star aliegro,
 Ho tanta passion in le menuse,
 che par che sia di granci che me magna,
 Donde che ho perso squasi el sentimento,
 Deh cara, truta, carpion, e lampreda,
 Luceto mio galante, c brauo temolo,

Tença

Tencz da late no me far morir ;
 Perche con poca cosa ti m'aidi,
 No son za tanto brutto , e cusi sporco
 Murlon, mal costumao, descognoscente,
 Banoso, desauio , o deschilao :
 Ti sa c'ha Mazorbo, e à Torcello,
 A Buran, e Pouegia , e Mallamoco,
 Alle Vignole, San Rasmo, e Muran ,
 A Chioza , à Loreo , e à Pelestrina ,
 A Iesolo, à i Tre Porti, Caurle, e Grao:
 E ho pien de parenti, donne, e homeni,
 Di pi mazori, e antighi, e ben uoggui.
 E quando te mostrasse le patente
 Di nostri antecessori ti dirani,
 Che no son hom da farghe tanti arlassi ,
 Si ti ha piafer de mandarme in ruina,
 Te donerò la barca , co i canestri ,
 Le ree, i hami, i piombi, corde, e suri,
 Sti vuol anche le vuose , e i nardacuori,
 Da uero christian tutto te dono .
 Pur che ti faghi conto de i to amis ,
 E darne qualche uolta quattro basi,
 E sti me desi altro , e tende priego
 Quando te piase, e con commoditae ;
 Perche ti sa che son un bon brighente,
 E po i monti co i monti no s'ariua :
 Ma le persone un dì se scontra in India .

PESCATORIA TERZA.

G Iulia co me arecordo i dì passai,
 El me salta la friue da tristezza,
 considerando la callamitae
 De la mia uita puouera suzeta,
 O come giera perso, e consumao
 Destruuto senza spirito, e ceruello
 Batuo da la mia sorte traditora
 con la fortuna, che me sopelina,
 per quanto no farauio quelle bagie.
 Andar de note donde ti uoleni,
 E sonar, e cantar da desuiao
 E può quando credena esserte in gratia
 con un rebuso me dauì licentia,
 A tal ch'ho pianto mille uolte al' scuro,
 No n'ho sapuò trouar tanti saori,
 Ni solazzi, piaferi, e seruitue,
 c'habbia durà in bona sette zorni,
 Perche ogni fumo te intra in tel naso,
 Ti se tanto superba, e boriosa,
 che co te salta la to bizzaria
 Te spuzza el muschio, el zucchero t'incende,
 Tegnistu pur almanco sto registro,
 E no te dar con certi lipotopi,
 cauioni da fuoco d'hostaria,
 Marlioni, goffi, cornacchie incantae,
 Lassando quci da ben, e honorai,
 che credistu da star sempre in sti termini?
 con dar canate, e trazette de tutti,

cho fa la mosca d'oro, che de zorno
 No se degna magnar di marzapani,
 E può la sera aloza à i nècessarij.
 T'haueua per zentil, e per descreta,
 Acostumà, e del to honor zilosa:
 Ma adesso fon quel conto cara suor,
 cho ti fossi vna pietra, e vn bordonal,
 Mi e t'ho ben confegiao da bon amigo:
 Ma ti ha fatto d'ogn' hora el contrario,
 E sora zonta ti m'ha in contumacia,
 cuor mio e spiero pur che à qualche tempo
 Ti cognoscerà certo le brigae,
 E quei che la to gloria ha trabucao,
 So ben che ti ha per mal de sti arecordi
 Vogliando contentar i to appetiti,
 Pur sti penserà ben à casti toi,
 Ti lascerà le bestie da vna banda,
 Tignandote al mior, el ben, e l'vtele,
 E tornar à far conto, e cauedal
 De i amisi che te vuol ben da seno,
 E che vorane vederte papeffa.

PESCATORIA QVARTA.

MEneghina Cinqueta fursantona;
 Trista, gagiosa, mariola, golosa,
 Profontuosa, puouera, e carogna,
 ansera, zorziana, e trusadora,
 Alla lengua, desutele, poltrona,
 Piena

Piena de infamie, e de ribaldarie,
 Lara, mendica, descoreta, rognosa,
 Dappuo che ti è nassua el to mestier
 E' stao sempre de far sassinamenti,
 Decipando l'honor à le brigae,
 No so chol mondo si te tegna uina,
 E che la terra no te sorba subito
 O la iustitia non te frusta, 'e bolla,
 E incoronarte in mezo la berlina,
 Perche ti ghe na fato tante, e tante
 Besogneraue ben per castigarte,
 Almanco almanco confinar te à giesolo:
 Ti se parente de la tenca, ol ragno,
 Che si le se maniza un quarto d'hora
 Con quella spina le ponze si forte,
 Che se resta strupiai de qualche deo
 cusi ti è proprio quando che un te pratica
 Almanco chel puol perder si è la fama.
 Ah baselisco astuto, e inuclenio,
 Grami à chi te uien in le to branche,
 Che i porta el segno de la to amicitia
 Serena cagna de zanze, e lusenghe
 Sotto un falso operar trista Gabrina,
 Folpo che mena i pessi à pascolar,
 E può i magna co i xe ben passui,
 Ho piao spesso de le gotorusele,
 El più cauestro pesse no sta in acqua,
 De corpo picenin: ma insatiabele,
 Cusi ti ghe somegi ingorda porca:

Panza

Panza d'vna Balena, o cao d'ogio ,
 Buel de cocodrilo, e de morena ,
 che diafcaze fa'l ciel che no t'arsira ,
 Azo che in cima i ponti sul storuol
 Te veda le persone che ti agabi
 No credo mai che i granci te magnasse ,
 che ti è tanto cattiuu, e spuzolente,
 che à malestente i corbi, e le cornacchie ,
 Te cercheraue siando besognosi ,
 Si che non parlo pi ma ben te lasso ,
 che uogio tender à la mia trezuola ,
 Per viuer co fa i homeni da ben .

P E S C A T O R I A Q V I N T A .

SI canto ben dolci fradei carissimi
 No son per questo aliegro in te le viscere:
 Anzi el mio cuor suspira pien de lagrime
 E rasonando le parole brontola
 no za c'habbia paura: o che sia timido :
 che son pi saldo che no ne vn'ancuzene ,
 So ben che le brigae me tien per scempio ,
 E mi sul viso à tutti quanti schitolo ,
 Oh si se mesurasse vn puoco i spiriti ,
 Forse qualch'un no lieueraue gondola ,
 Mo la fortuna che fa far sti trafezghi ,
 Alza i murloni, e bassa quei che merita ,
 Queste cose però sempre se viscola ,
 che al tandem può se vede chi ha pantofoli
Scampa

Scampa ogni cossa, e resta la memoria :
 Ma di catini presto se desmentega,
 chi vuol cercar chi fa nascer le angurie
 Bisogna esser nassuo de un bon theologo,
 No se maraucegemo può se i aseni
 Vuol portar sella credando esser barbari,
 El me duol c'ho un pensier che me desnombola,
 E si no uogio conségio da miedeghi
 Solo un conforto me fa uiuer norbio,
 chel se sta puoco à galder de ste fritole,
 Ni bisogna pensar se à son de pifari
 Daspuo morti magnar, ni far el sprocheno,
 che importa pi bernuso, cha una tonega.
 O esser pi da Roma, che da Bergamo?
 che tutto quanto è mondo fina in India.
 Le un dolce uiuer cho fena i antighi
 Mo chi no vuol compagnar se con semene
 per qualche tempo de la roba domina,
 può uien una tempesta, e fa el so debito.
 Le megio esser agnello ca una vipera :
 Si ben le un'anemal de puoco spirito,
 El ciel si ama à chi no mete scandolo
 Bisogna hauer la fede con le opere
 E chi roman da drio lica la piadena,
 chi crede piar tutto strenze vn totano,
 E chi si tien lion-se troua un buouolo.
 O grami nu, con le nostre fandonie,
 e col star tesi pieni de superbia,
 che semo al fin tre onzete de poluere

Rido de molti che fa i Duchi, e Principi,
 che da spuo morti si no val vn trottolo,
 chi ha buona fama ghe resta memoria,
 Donca fieli tutti mesuremose,
 E fesso conto de esser proprio vn circolo
 De sta hostaria mondana, de sta machina,
 Fagando manco mal, che sia possibile,
 Azzo che al fine ben ogni homo tombola.

PESCATORIA SESTA.

O Donzelletta che in le acque insalae,
 I to bei anni ti ha prencipiao.
 circondà da si nobele Isolete
 che fa vn feston à la to nobiltà
 Fauorizà dal cielo, e da i pianeti
 In brazzo d' Hadria cara vecchiarella.
 Honor de i sauij toi progenitori
 Ti è cresua sempre con bon intelletto
 F fatto vna città piena de gente,
 Carga de fama, vertue, e ricchezza,
 Zusta pi che le altre che se troha,
 Le to mure xe'l Lio, e i palui,
 che da el viuer al popolo abundante;
 De pesce, che ne manzeràue vn morto,
 E tutti i luoghi che xe à torno via,
 E sotto el to dominio in terra ferma,
 Te tien fornìa de quel che te bisogna,
 Oltra che da Leuante de continuo

Zonze

Zonze ogni dì nauilij de pì sorte ,
 Portando tanta roba, e uetuarìa ,
 che'l pioe d'ogni banda bon mercao ,
 D'instae, d'inuerno, de notte, de zorno ,
 Sia pur mai tempo quanto che se uogia ,
 Sil uien di forestieri che no sapia ,
 Ti ha comodao si ben el to bel nio ,
 Ch'ogni contrà par proprio una cittae ,
 Vendando carne, legne, frute, e pesce ,
 E pan, e uin, le boteghe fornìe ,
 e si qualchun no xe pi stao à trouarte ,
 I barcaruoli i conduse per tutto
 A saluamento, sani, e salui sempre ,
 I to Signori, e tanto mansueti
 Gouvernando i uecchioni con prudentia ,
 Dagandosse i officij un à la uolta ,
 tanto ch'ogn'un participa del grao
 conzonti in tun sotto gran obedientia
 Reuerenti al to Dose , sauio pare ,
 Le donne può xe belle, come el Sol ,
 che le par Dee; usate in trà Narciso ,
 e ueste come à un' Imperador ,
 No se poraue mai compir da dir
 Le laude de tutto quanto el puouolo
 cittadini, artesani, e mercadanti ,
 talmente che ti meriti ogni gloria ,
 No ne Signor, che te precieda auanti ,
 Quando ti uol far uera da bon seno ,
 Armando fuste, galie grosse, sutile ,
 Barze,

*Barze, barzoti, e anche galioni,
 Nave, nauili, schirazzi; e marani
 Guidai da marinieri huomini pratici
 Soldai da terra i primi capetani,
 Che se possa trouar con l'arme in dosso
 Da far tremar el Ponente, el Leuante;
 O quanti che te porta gran inuidia,
 Cercando de voler desuezenarte:
 E farte perder la to libertae:
 Ma San Marco beao, e pretioso
 No manca de suffragij serapremai,
 Pregando Dio, che te varda da tristi,
 Conseruandote pura, casta, e netta,
 Libera, bella, zentil, e piatosa,
 Cortese, humana, Signoril, e granda,
 Piena de quei costumi rari al mondo,
 Che chi te gusta vn certo tempestello,
 I no se puol partir da ste lagune,
 Lassando al fin la vita, i soldi, e l'anema:
 E le offe sepelie in le to giesie,
 A dolce sia de Gioue alma Veniesia,
 Che quei che note vede no t'apriesia.*

MADRIGALI.

Son vecchio innamorao,
 E volentiera
 M'alliegro, e canto, e sono de lauto,
 E von in tel mio horto

D

Su-

*Sunando figghi,
 I bianchi, negri, e zalli,
 Tuo tutti i dago per trabuto
 Al uiso de Lionora,
 Ch'amando mē deſſecha de hora in hora.*

*Che ſarà cuor deſutele, e da puoco ?
 Del noſtro gran tormento ?
 Si Madonna no uien tutta pietoſa,
 Amor no ne contento ?
 Anci crudel pi cha buora, o ſirocho,
 El mal ſi creſce,
 Onde no ſon pi uiuo,
 De ſorte che le forza far un tratto,
 O uenzer ſto dolor, o uegnir matto.*

*Madonna con Amor
 Si me fa beſſe,
 E pia del mio dolor mille ſolazzi,
 Onde ſi un dì m'ha meto
 Ghe trazerò in tel uiſo el mio bragheto.*

*O uita allabaſtrina ſaoroſa,
 O donna altiera, e bella,
 Che ben ſomeggì'l ſol da mezo Aoſto,
 Quando ſarà quel zorno,
 O mia luſente ſtella,
 Che ſtemo inſieme, à quel piaſer ſuauo;
 Azzo che del mio amor tegnì le chiau.*
Frede

Frede acque, e pesci cari,
 Dolene del mio mal, de la mia doia,
 Aiuto o Dei marini,
 A sto bisogno no me stè auari,
 Amor sempre me soia;
 E col me uede da tutte le bande,
 El dise, che me schito in le muande.

Quel zorno lieto, e tanto libertoso
 Che Amor ridando disse,
 O fio ti sarà pur mo gioioso
 Sauia donna te ama,
 Onde'l t'ho cuor, cho'l so sempre se brama.

Hor su no me tegnir amor stentando
 Pien de ferie, che me trapassa el cuor,
 Dimme caro fradello,
 A stu prouao mai simel dolor,
 Quest'è ni bon, ni bello,
 Far me uiuer pianzando,
 A ti me arecomando,
 Chel contrastar no ual à to possanza,
 Che tropo ponze la to cruda lanza.

Deb femo insieme Madonna amistac,
 Che uederè, che son un'agnelletto
 Acostumao, purazzo, mondo, e neto,
 No toiando l'honor à le brigae,
 No stemo pi suspesa,

*Hor su parlè, disè de sì, à la prima,
E no ste pi à pensar sun altra rima.*

*Quei lauri rossi cusi cremisini
Da far inamorar tutta la zente,
E anche i fantolini
Spandando quelle delicate parole,
Fa propio, odor de riose, e de uiole.*

*Vardando spesso la mia dolce uità,
Von suspirando, e digo,
Ah nemiga crudel de la natura,
Che uedendote esser calamita
Tirandome per forza,
O sorte dura,
E pur te son amigo:
Ma ben dise chi serue donna ingrata,
E come un far carezze à la mia gata.*

*La donna mia, che tanto me contenta
Si la uardasse ben mille fae:
Ma lie nol crede, e sempre se lamenta,
Cho si no fosse mai la ueritae:
Deh cuor, dighelo ti dolce thesoro,
E fa una bona scusa,
Si no che certo e muoro,
Che in uero ziona puoco un testimonio,
come disena el me famegio Antonio.*

Occhi mie stracchi

De lagremar tanto ,

Per quei altri occhi priui de pietae

Da spuo che'l graue pianto ,

Ve fa orbar per la debilitae,

E uegnir i pensieri infermi e fiachi,

Hormai; no fre ribelli,

Occhi pieni d'amor, occhi galanti,

Habiè compassion de mie gran pianti.

Ingiusto, cieco, despictao Amor,

Mò che cosa te pensitu de far,

Cho ti m'hauerà ben brusao el cuor?

Che credistu carogna de auanzar

con mi, che son gioton?

Che soffrirò sin che ti sarà stracco;

Puo te cazzarò in corpo el mio bizzacco.

Quella manina, si pulia, e bianca,

che me dete un buffetto

Ridando insieme, su la banda zanca,

M'ha tanto intenerio le interior,

che cerco con effetto

Far che Madonna ueda che l'honoro

Si ben cognosso, che al tandem e muoro.

che zioua bastonar un che xe morto?

Ab iniquo Amor, crudel, e despictao?

Ti m'ha ferio el petto,

*C'ha puoco, à puoco, e von in l'altro mondo,
 Mo viuerò per farte pi despetto:
 Si ben adesso ti me tiol el fiao,
 Ingrato senza fede,
 che sempre ti ha cercao de amazzarme,
 cho ti me scani, che postu pi far me?*

*Madonna sil pensier, che me desnombola,
 Hauesse vn zorno qualche bon spiracolo,
 No ne dubio certissimo,
 Voiando vu bellissima,
 Ve venisse con me pi che allegrissima.*

*Dame soccorso Amor,
 Za che ti vedi,
 Che Madonna me scampa sempre mai,
 E pur ti no mel credi,
 Caro fio no star pi, traghe vna frezza,
 Azzo che la se infiamma, del mio fuoco,
 Onde di, e notte, mi no trouo luogo.*

Epitafii de Molimenti Antighi.



*N hoc caſſono, de marmorea petra,
 Sepultus fuit, quondam Petolotus,
 De Poleſinis, cognomento di Etus,
 Trouiſor lagunarum, et gheborum,
 Qui cum uxore, cariſſime vixit,
 Calcans in hebdomada ambo terrena fixit,
 Vixit*

*Vixit annos centum , atque tribus ,
Et obiit secundo mensis Maij
Apud Ecclesiam cathedralem Iesulanum.*

D. CCCC. XIX. Cal. Augusti.

*Perche voio che ogn'vn si me intenda ,
Se ben i no sauesse de Latin :
Son Petoloto da cha Pulesin ,
c'haui vna malattia molto stupenda .*

*Buouoleto de rossi da Buran
S'ha fatto sepelir, qua in sto casson :
El poueretto morite à Maran ,
E fu portao de quà, in vn ceston .*

*Che nasce diè morì care persone :
Pur m'ha grieuao andà cusi d'instae ;
Senza cercà do fette de pipone .*

*Nigun se marauèia , che sia morto ,
Cusi da bon buelo, inanci el tempo ,
Vetor goata m'ha fatto sto torto ,
chel me dè d'vn cortelo, siando in valle
Morì, che fu ferio da drio le spalle ,*

*Del miile, e vn centener, e vintisie
Son sta metuo quà drento mi Alouise,
c'haueua ben di anni ottantafie,
Reuolto in tun lenzuol d'vna terlise ,
E tanto è stao i mie boni portamenti,
che i m'ha pianzsto i nemisi, e parenti.*

Son da Torcello : ma fu da Muran ,
 Mio pare, e tutti li so antecessori ,
 Mia mare fo nassua drento Buran ,
 Fia d'un bon cittadin, de li mazori ;
 Per questo no var t'è, che sia in sto luogo ,
 Che scampì à Grao, per vn teribel fuogo ,
 E da dolar me venne tanta rognà ,
 che morì à no voiano da vergogna .

Zenso che lezì qua che ti è fermao
 Qua zase sier Tonin, de sier Tomao ,
 Dusse la vita soa, sempre à Loreo,
 Morite in valle , piando cape à deo .

Ogni homo diè morì, chi è nassuo ,
 E tanto pi, chi è de curta vita:
 Da me postà mi qua no son vegnuo :
 Ma fu portao da sier Bartolomio ,
 che era me amico, e m'haue sepelio .

Son Nicheto da Chioza fo de Ferigo ,
 che per di vilania a vn poucioto ,
 L'assetete, che vene un gran caligo ,
 E me saltete lu, e vn so frar zoto ,
 E tante i me ne de, con vn costrao ,
 che romagniti in secco, senza fiao ,
 Mio barba con honor m'ha sepelio ,
 Perche i son sta meio, cha vn so fio.

cari brighenti, e son da Malamoco ,
 che per vn certo humor, e andà à pescà ,
 Onde saltete vn vento da Siroco ,
 E per no hauer timon me rouersà ,
 Sì che la gran fortuna m'ha anegà ,
 E per honor del nostro parentao ,
 Son qua drento à coerto si logao .

Fitto in sta cassa, e son olto da terra
 Fisolo braghetin, homo ualente ,
 che sempre con el pesce feua guerra ,
 A l'ultimo aghetando l'ostregher ,
 Me smachi el corpo sora d'un sponter ,
 che'l medegarme non mi zioua gniente.

Voraue di, e si uoraue tase ,
 Per no esse tegnuo da frapaor ,
 Qua son metuo sier comelo pase ,
 che se sta de bontae , e de honor ,
 che'l cognosceua agnun, si ghe despiase ;
 Perche lo giera antigo pescaor ,
 Fo in le arte ualente, e fo gaiardo
 E in prender pesce lu mai non fo tardo .

Coccolin in sto luogo, è sepelio ,
 Morto da do frezzae suso'l Lio ;
 E per la so fierezza troppo granda ,
 El fo strapassao da banda, in banda .

Perche no tolsi mai, quel de nigon ,
 Nianche in mia uita, mai à bellun .

Questo casson, cusi ben intaiào ,
 Vn Mazorbian l'ha fatto col scarpelo ,
 A nome de quest'hom , che so amazzao ,
 E perchel mondo el sappia è po lo diga
 Lu l'ha indorao del so , de oro de liga ;

E nol ghe altro da dì , mi e son andao ,
 nig'ha ualesto miedesi, e gouerno ,
 che cho la Morte vuol, ti è achi spao:
 Petrus iacet in hoc domuncula petra,
 Gastoldo fuit ter qua, turcelanus bonus pa
 (tricius).

Iacobè tomboletto, da comacchio,
 Ha fatto far quest'arca, e la so arma ,
 Da un gran maistro mentuao nasacchio ;
 De piera uina, che mai no se tarma,
 E vuol che lu so pare , e i so fradei ,
 E anche i altri , de feli, in feli,
 Sia messi drento agnun, co'l cao e i piei.
 Se porà ben legrar falcghe, e smerghi ,
 Archaze, ofele, grue, cigogne, e totani,
 E tutti i pesci, che nasce in ste acque ,
 che son morto per sparagni la uita,
 no za per crudeltae , bo mia malitia ;
 Mo per uiuer con tutta la brigà ,
 No siando mi no so quel che sarà .
 Nadalin

Nadalin di Scachij, de tutti amigo,
 E morto sul so leto,
 Un dì dassuo disnar; magnando un figo.

Chi me vuol fa piase, leza sti uersi,
 Per tornai in la mente i fatti mie:
 D'onde fon stao, mai e no me persi,
 Inzudegai, e in brigantaria,
 E à rason no stimeua nigon,
 Per mantegni la fede del comun.
 E si podeua anche inganà la morte,
 I feua da bom' da ben, le fuse storte.

Son morto, per hauerme descolao,
 come se sa, per pi d'un testimonio:
 Quest'arca è mia, e de chi vuol intrarghe
 Mo no ghe uegna, chi no porta braghe.

Chi uolesse saù, de chi è ste offe,
 Le xe brigae, d'un caro mio fradello,
 che in quattro dì, ghe uene tanta tosse,
 chel morite à parlando uerzenello:
 Onde credemo per la so bontae,
 che ghe rencresse à tutte ste brigae.

Sta sepoltera, ch'è qua in sto muro,
 E de sier Angolin, de i ben uegnui,
 Fo Valesan, nassuo in d'Orso duro,
 Giera di mazorenti, e di sapui;
Andando

*Andando à ostregar, el fo amazzao,
Da un so nemigo, che giera sbisao,
Dagandoi su la testa, d'un costraio.*

*Fravì staleuc quà, per cortesia,
E schiuene, de no uegnì à tal passo,
che son stao mi Perin, de Nastasia;
che siando à Mazorbo, el uene un sasso,
E mende dete, una si aualia,
che mai pi no parliti, in uita mia.*

*Agnun chi passa, si leza sta scritta,
In prima, è quà drento Margarita,
con una puta, che è de li nostri;
Nostro auo giera sier Mengolo schita,
E puo el pare pescaor di nostri,
Siando in uale, da drio de sier Rasemo,
Vn pesce el morsegà, e morì da spasemo.*

*Zangarin zazzareta Buranelo,
Quadrento morto, si xe sepelio:
Etanto ben pescaua à saltarelo,
che ogni persona ghe sbasiua drio:
Vn zorno el fo saltao, siando in Torcelo,
Da un chiamao sier Rombeto cunio,
Fagando el so bisogno, in tun paluo;
Fo amazzao el gramo, à Thomao nuo.
Cusseto bon hauer; zentil brigae,
Desteso senza spirito, e fiao,*

Xe in questo molimento destaiào ,
 Tradidit anima eius, mensis Instae .
 V I I I C. X L I I I. In ciuitas Capurlensis .

CANZON PRIMA.



Quando saroio vn dì senza Fortuna ,
 E che me troua in tun porto seguro,
 AZZO che'l mar, e i furiosi venti
 No n'habbia pi poder su la mia na-
 ue ,
 Repossandomè vn tempo alliegro in pase ,
 contento di mie anni, e de ricchezza .
 Che besogna bramar tanta ricchezza,
 Siando sottoposti à la Fortuna,
 Val meio vn zorno, che se staga in pase,
 cha gran Signor, e non esser seguro,
 L'homò xe in mar vna piccola naue ,
 A la description de mille venti .
 Ohime, che i crudi, e rabiosi venti
 Tiol in tun tratto la nostra ricchezza,
 E fa perir ogni superba naue ,
 che no se puol contender con Fortuna,
 Nianche Nettuno ne se tien seguro ,
 Quando le onde, no se troua in pase .
 El xe pur vn bel che, viuer in pase,
 E scampar quelle furie di gran venti,
 Stagando in liogò, che sia ben seguro,
 Per varentar la vita, e la ricchezza,

*Al despetto del Mar, e de Fortuna.
 Deb lassa andar chi è sanio le naue,
 E staga in terra per viuer in pasc,
 Fagandoghe le fighe, à la Fortuna,
 E quanto sopiar che puol i venti,
 Ridando con la so puoca ricchezza,
 Negociando canto, e ben seguro,
 Mo chi se tien da le sorte seguro,
 In casa, no ca drento d'vna naue,
 Perche no ziona sauer, o ricchezza,
 che no se sta pur vn momento in pasc,
 contrastando di, e notte, con i venti,
 Quando s'ha'l ciel nemigo, e la fortuna.
 canzon no son seguro, in sta mia naue,
 Ni la ricchezza, me fa star in pasc,
 Perc'ho contrario i venti, e la Fortuna.*

CANZON SECONDA.

*Q*uante volte rasono mi soletto,
 A che muodo cupido m'ha truffao,
 E de homo rational, con bon inzegno,
 Son propio vn putin, senza prudentia,
 E za ottocento di, von suspirando,
 La mia sorte cattua, e i tristi zorni.
 no credo mai à viuer tanti zorni,
 che possa star in pasc, mi soletto,
 Anzi pien de dolor, e suspirando,
 crio con Amor, che m'ha cusi truffao,

Benche

CANZON TERZA.

A L'ombria d'un costrao de la mia barca,
 Stando apuzao tutto pien de pensieri,
 Me indormendì criando con Cupido,
 onde i spiriti mie andaua à vela
 carchi de doia. spenti dal martello,
 Domandando da beuer quando pious.
 Subito un me respose cose nuoue
 Torna presto fio mio, in la to barca,
 che si douesse ruinar la uela
 E te voio cauar de sti pensieri,
 E dir à donna Venere, e cupido,
 che pesta in altri corpi, col martello.
 che hauena fabricà saette nuoue,
 E si disse, ve priego caro Gione,
 E disse questa pasta de cupido,
 nol laga star nìgun, in casa, o in barca,
 Le brigae no n'ha sempre quei pensieri,
 D'andarghe drio del cul, in terra, o à vela.
 Vedeu questu che xe vegnuo qua à vela
 Mastruzzao tutto quanto del martello,
 nìtende in altro, sì no in sti pensieri,
 Fagando poco conto, quando pious
 Talmente, che'l se inuecchirà la barca,
 E sarà stao cason mistro cupido.
 Esco vegnir corando el bon cupido,
 ch' all' hora all' hora hauena fatto vela
 E me ne ritornai subito in barca,

E

E no

Tanto'l mar me superchia la sentina,
 E cresse à pi poder, doppia fortuna,
 Talmente che'l mio puouero fiao,
 No troua vna minima piatae.

E'l mondo m'ha intromeffo ogni pietae,
 Onde von à segonda con la vela,
 Sbatuo dal nauegar con puoco fiao,
 Sperando el fin de sta meschina vita;
 Perche reuera, vedo la fortuna,
 ch'a fatto vn rombo, in mezo la sentina.

Ohime, che si no sugo sta sentina,
 E che à Nettuno no vegna pietae,
 Son certo de morir in sta fortuna,
 Perche'l bossolo è roto, e anche la vela,
 Onde no stimo niente la mia vita,
 cho fosse vn corpo priuo de fiao.

Mo à chi no infraue tutto el fiao,
 Vedando'l mar abondar in sentina,
 Senza sperar de scapolar la vita,
 Da far à vn dragon uegnir piatae,
 Se'l uento mo, no drezzasse la uela
 A bon camin fuora de sta fortuna.

Canzon ho gran fortuna, e puoca uela,
 E i uenti no ba piatae, de sta mia uita,
 Bagnandome in sentina, senza fiao.



CANZON QUINTA.

A I mie dì no n'ho habuo tre bone notte:
 Ma tormentao la mattina, e la sera,
 Da'puo che pesco in mezo de sti boschi,
 Quando compirò, al mar cesserà le onde,
 E'l Sol tornà la luse de la Luna,
 E i pesci morirà stagando in acqua.
 Decippo le mie ree, drento de l'acqua,
 Nì me ziona pescar tutta la notte,
 Consumando le arte, el dì, e la sera,
 Anzi col imbrunir se de la Luna,
 Pianzo tanto che fazzo mille onde
 Da far tremar le selue, i monti, i boschi.
 Credo si andasse in fra d'sento boschi,
 Per star al suto, e troueraue acqua,
 E si pescasse saraue tante onde,
 che no se dormiraue mai la notte,
 A tal che aspetto pur inuerso sera,
 che stala el tempo, al leuar de la Luna.
 Deb foss'io in luogo onde luse la Luna
 Che mi no pescheraue in fra sti boschi,
 E quella che da nona, fa esser sera,
 con essa, e con Amor, fosse in t'vn'acqua,
 E la stassemo ficai vna notte,
 A smergandosse tutti soto le onde.
 'Almanco se bonazzasse le onde,
 E che luxesse d'agn' hora la Luna,
 Durando vn bel seren tutta la notte,

Azzo che i loui, che stancia in sti boschi,
 Si no me deuorasse innanzi sera,
 Perche i uie spesso à beuerarse in st'acqua.
 El vento si ha sgionsao si forte l'acque,
 E la fortuna rompe si gran onde,
 che tremo da paura asiando sera,
 Si no m'aidasse mo madonna Luna
 A trarme san, e saluo de sti boschi,
 Azzo che vaga à cha, à dormir sta notte.
 Canzon fatta de notte, in mezo i boschi
 Senza leuar la Luna, appresso sera,
 Al rognir de le onde, in si gran acqua.

CANZON SESTA.

Belle, e ricche, lagune;
 Donde sta la mia donna,
 ch'auanza el Sol, onde forte suspiro,
 Le mie speranze brune,
 contra si gran colonna,
 che'l dì e la notte l'intelletto ziro,
 E'l mio pensier amoroso destiro,
 Per farme so moleca,
 Dolci bianchi dentini,
 Lauri che par rubini,
 che le buele, e'l cuor si me desseca.
 Deh ve priego suor cara,
 No sie à darne la vita, cruda, e auara,
 Si l'è per mio destin,

Besogna hauer patientia ,
 Spetando'l zorno, che uegnì cortese :
 E far gratia al meschin ,
 che ue fa sì accoglientia
 Suplicando , con le brazze destese ,
 Imparando à mie spese,
 No esser così audace:
 Mo chi se tigneraue
 Sotto dufento chiaue ,
 Si ben, se pertinace,
 No ve amar sempre mai ,
 Che un dì son certo, che inscirò de guai.
 Vignerà tempo ancora ,
 che sarè mansueta :
 Habiendo del mio mal , qualche pietae.
 Donca spetterò l' hora ,
 Dolce mia raifeta,
 che slarghè un puoco la uostra bontae ,
 Sia d'inuerno , ho d'instae;
 No fo mai tardi el .ben
 A chi da seno ama,
 che stago sempre in fiamma,
 Perche'l mio petto , de fuoco xe pien:
 Ohime che'l uostro uiso,
 Si me fa innamorar come Narciso.
 Canzon, ua da Madonna con bel muodo
 E dighe'l mio dolor ,
 che si no la m'aida, e perdo el cuor.

NO posso far o bianca colombina,
 che no te uegna à ueder suisccerao,
 cusi la sera, come la mattina.
 Quel nostro uiso m'ha tanto incerao;
 che si l'aiuto no sarà à corando,

Me trouare'l bonigolo ingropao.

Si uago per la uia à caminando,
 I spiriti se drezza inuerso vui,
 chel me xe forza uenirue duniando.

Vu saùè quel che son, e quel che fui
 Di mazorenti, da Buran de mar,
 come da tutti e semo cognossui.

O sia mia, scolte'l mio fanelar;
 Volzè la fantasia à i dolci motti,
 Che uoio un puoco, con vu rasonar.

Creden forsi che sia de quei mal cotti
 Homeni grossolani, scognoscenti,
 che rompe l'amicitia in quattro botti.

cuor mio uardè, mi son de quei brighenti,
 che i podè manizar, che sempre i tase,
 Si ben uossè cauarghe tutti i denti.

Suor cara, mi ue priego sil ue piase,
 che femo de do un, incorporao,
 E si ue don, el fitto de tre case:

Altramente, mi e muoro desperao.

A Mor che stastu à far, orbo zueta;
 che ti no corri presto, con l'archetto,
 E mazar sta poltrona maledetta.
Credo, che ti ha paura poveretto,
 E può ti braui, con quest'è con quello,
 che la ta vita no val vn marchetto.
Ti priego no me romper el ceruello
 No m'intrigar à far la mia vendetta,
 contra sta cagna, che me da martello.
A dolorosa, trista derelitta,
 che tante volte, ti m'ha dao parole,
 Quando ti gieri al balcon de sofita.
Ti m'ha struccao in tei occhi cenole,
 E puo ficao scalognete in gola,
 In cambio de riose; e de viole.
Almanco te toccass'io la man sola,
 E fa può del mio cuor trippe, e soffritto;
 E del mio corpo, taia vna bresiola.
El sauiò dise ben come xe scritto,
 No r'infidar de femena barbua;
 ch'inganeria vn Dottor, senza altro ditto
 D'instae l'è fredde, e d'inuerno le sua.

E Possibel ch' Amor no n'abbia fame?
A vederlo cusi forte smagrio,
chel me par propio vna statoa de legname.
Vu vedè pur, che l'è tutto scacchio,
Perchel manza sino pan, e ceole,
Sto cauestro, gioton, peto pulio.
no v'acorzeu, che tutte le verole
Ghe core drio, per darghe sul culo,
E lu se sconde, con le braghe mòle.
Sto mariol s'ha messo per trastulo
Vn pugnai in la schena ben guzzao,
con do ballote, chel someia vn bulo.
Per so cason son tanto imbertonao,
E'l martel in ti fianchi pesta forte,
chel se sente per tutto rio terrao.
no n'ho per questo le muande storte:
Ma spero chel no passerà do anui,
che muerò la chiaue s'vn sic porte.
So ben che vn zorno inferò de affanni.
che sarò liberao de innamorarme,
Etal che ride, si pagherà i danni:
Mo per adesso, e voio contentarme.

PEr esser desnuaio, e no son degno,
 De domandarue una gracieta,
 Che cho ue uardo, resto com' un legno.
 Son tanto creatura simpliceta
 Come un cagnolo, bon, e mansueto,
 Si ben me metessè una borseta.
 Son Caurlese un poco liquideto,
 Dormo, camino, corro, no me muouo,
 Son senza fiao, e trazo qualche peto.
 Son uecchio, e si n'ho fatto ancora un nuouo
 Son senza lengua, e da paura crio,
 come si fosse in bocca de un louo.
 Son sforzao al mio mal andarghe drio,
 Onde besogna sempre suspirar,
 E no so si sia d'altri, nianche mio.
 Son su la porta, e si no posso intrar,
 Ho'l desiderio in man, me manca'l seno,
 E da uergogna, e scouegno schitar.
 Son cargo d'allegrezze, tandem peno,
 ch'un uiso è quel, che me fa andar strazoso
 Ni no reposito, e sempre me remeno.
 Son neto, si no fosse mocignoso,
 Non'ho muande, e si no mostro niente:
 Ma la mia sorte, si me tien bauoso,
 Ondeno posso andar infra la zente.

Madonna e no so dirue tante zanze,
O vu uolè, o no crederme certo;
che son uario, da le mie buganze.
Infina mo, e no mo descouerto,
che mi ue uoio ben alla real,
Si ben da basso, e fosse un puoco auerto.
Cara sia m'hauen per un coccal,
che no sia homi da farue una inuestura,
Da mascherarue el dì de Carneual.
Son sì da bon buelo cicatura,
che cho vu prouarè la mia amistae,
Porè dir, ho trouao bona uentura.
Domandè pur à tutte le brigae,
Del fatto mio, e de che condition,
Pien de uertue, e pien de facultae.
Forse vu me tegnì, per un murlon;
Mo feghe un sazo, de la mia persona,
E si vu sauerè, chi che mi son.
No son miga un pandol, ni una pipona,
Mo antigo da caurle, e da grao,
come per tutto Buran, se rasona.
Donca ue uegna Madonna peccao,
Dolce sia mia, cara, e saerosa,
Ni no credè, che sia tanto creuao:
Che uoio al tutto, che siè mia morosa.

CAPITOLO SESTO.

D *Vra passion, che per amor sopporto ;
 Tanto che mi no posso star in pie ;
 per quel uiso mostoso , che m'ha morto .
 Von pur criando per tutte le uie ,
 che son à tradimento , assassinao ,
 E pien el corpo , sol di doie rie .*
N *o foss'io mai, in sta pessina intrao ,
 che per uoler satiar sta uolontae ,
 Patisso pi, che si fosse creuaio .*
N *o uiuo d'altro, si no de panae ;
 Perche la testa , si me ua intorno ,
 Da far uegnir à i cingani pietae .*
E *penso sempre la notte , col zorno ,
 A che muodo me possa destuar
 Sta banda del mio cuor , che par un forno .*
E *son pur homo , e si no so catar
 Vn remedio , che me daga la uita ,
 E che possa in tel pristino tornar .*
L *a doia che mi ho , si me sta fita ,
 In mezo de le uiscere , e in la panza ,
 Che cho noio orinar , fago una schita .*
N *o fa si mal un gran scontro de lanza ,
 Quanto me fa quei occhi , quando i uardo ,
 Che resto morto , e questo no n'è zanza .*
O *donna , che someia un liompardo ,
 No pi ue priego ; tante legne in fuoco ,
 Che dauanzo me bruso , e tutto ardo :
 Onde per rabbia , mi no trono luogo .*

77

SONETTO IN DESPERATION,
CON EL COMENTO.

PAlui pieni de tosse, e de ragassi,
Lagreme, che sbaxisse tutto'l
pesce, (Sce
Spuazze, che' canali sgniöfa, e cre
Suspiri, che refueia albori, e sassi.
Suori, che se arcoicraue i sassi,
Dolori, che la uita me recresse,
Tremazzi, che fa trar mille uesse,
Affanni, che i piöbini me tië bassi.
Cognosso da che uien ste missianze,
E uedo che' l caligo m'ha toccao,
che son pi zalo, che n'è le naräze.
Che poss'io si me trouo desfrassao?
E che d'instae me uegna le hugäze
causa; pche sù uecchio innamorao.

In tel prece-
dente Sonet-
to el Poeta
con dolce la-
mentation fa
una digressiö
del principio
del so amor,
azonto cusi ä
l'improuiso
in t'una etae
debele, e può
anche in don-
na troppo al-
ta, alla so cö-
dition. E per

più intelligentia trouandose el Poeta al manizo de le
ualle, e di cogoli de ste lagune Hadriatiche, ä caso pas-
sando co la so pescareßa da Pelestrina uia, uisite una
donzella belletissima fia del Gouvernaor de le Pantic-
re da le Bebe, che giera uegnua ä uisitar una so pa-
rente. Donde, che stalandò la barcheta, offuscäo dal
luser di so occhi, e uolendoghe offerir qualche bel pe-
sce, subito la ghe uoltè le spalle scampando uia, ni più
tutto quel zorno el Poeta la posse ueder, del che tor-
nao alla so pescbiera, e uale tegnua sul confin de Lo-

reco, inuestigando de la donna, uede per uera scientia, che la impresa xe troppo difficile, e spaurosa à i so anni. Onde'l pouer' homo, uento dal martello, e sbattuo dal pensar, e dessecato dall'appetito, e può per l'andar de notte se sfredi bestialmente. Donde che'l scomenzete à patir, come carne frazile, e tornaio no podando pi sopportar le frezze Cupidinesche, uolse per qualche uia esalar, sfogar, e anichilar tanta smania, che'l feua andar cusi remengo, e uagabondo, no sperando mai de hauer niente del premio del so amor tanto appettaizzo; attento che la gicra sta promessa per muier à un da Buran homo fastidioso, e de mala natura. Ita che più de zorno in zorno la uolontae cresceua, e sorabondaua alla timida so complension, e la uertue natural mancando l'indebeli de sorte, che per l'estremo marturio, e per la scalmana, che de continuo ghe boggiua in le uiscere, no n'è liogo in sto circuito Ducal, che no alda, e che no participa, e che no patissa per causa de sta so desgratia, ho uolemo dir ignorantesco poco antiueder: niente de manco el Poeta no n'è tanto soffegao in tel fumo amoroso, che'l no cognossa el so ben, el so mal: ma (co dise'l Petrarca) Lasso el ducato, e al bagatin me afferro, per tanto tolto el so bizzaco à luxe de canelle su un costao, de mezo, scriue in che condition el se troua, daspuo che il sa lagao piar à fossina, prencipiando à dir, che per la prima impresa el s'ha scomenzao à malar si fortemente, che'l no u'ha mai un riposo.

abbondantemente ghe pissolaua da i occhi lagreme
 tanto fognose, e amare, che subito cho le giera ariuue
 in acqua le sbassua tutto'l pesce. E questo per ca-
 son de la crudeltae, che al poucro brighente ghe ve-
 gniua vsao che pur almanco si la ghe hauesse fatto
 vn cignetto alliegro, el no faraua cazuo in cusi foffia
 desperation: onde che'l va digando drio, che per la pas-
 sion, e imbastia che sempre el tien inliquidao dal tan-
 to spuar, non ostante l'ingrauiar de ste nostre acque
 da i fiumi propinqui, dal superfluo, e abbondante hu-
 mor, oltra e'l corso de Nettuno: l'è causa per le tante
 spuaazze, cho i canali vien più alti del solito, e de l'or-
 denario, certamente cossa d'hauer ghe gran compas-
 sion al stentatissimo Poeta, el qual oltra le sopra-
 ditte aduersitae habbiando sculpio, e sigillao, e insta-
 gnao in mezo el cuor Madonna: dixè che'l trena sè
 fatti, e terribeli sospiri, e susti, donde che l'andaua,
 che da la piatae se refueiaua i albori, e i sassi; per-
 che anche lori fu creature (co disè missier Ouidio) e
 per innamorarse da murloni, desensibili, e rationali i
 fu fatti materiali, e insensibili: tamen da la gran com-
 miseration del Poeta refueiandose dal so cusi longo
 sonno, ghe feua compagnia partecipando in eodem
 genere del so deslanegao brusor amoroso; doue che
 tra el sfredimento, e tra la tosse, e'l spuar, e tanti su-
 spiri infiammao vegniua a suar tanto liquor, che a
 stalandose in barca, ho in terra bisognaua con la ses-
 sola sunar el suor da dosso: Ita che'l Poeta dixè in
 questi altri quattro versi, che'l ghe sorabondaua

tanto,

eanto, che'l se haueraue podesto sunar cho se fa i sassi de paia in tei cortiui di villani.

Suori, che se arcoieraue i sassi,	Spesse volte
Dolori, che la vita me recresse,	le passion fa
Tremazzi, che me fa trar mille ueste	uegnir tal an
Affanni, che i piöbini me tien bassi.	gonia, che la
	natura no le
	puol compor

tar, e tanto trouandose el desdolao Poeta con arme tenere à cusi gran afflittio, però tutto da cao à i pie de momento: In accidens considerando vna si magnifica prospetiuua le vene slargandose, premua tanto humido, che si ben dixe'l Poeta che i giera suori: niente de manco, tutto in t'vn attimo se conzelaua, e questo; perche usciva fuora in tra carne, e pele sustantia cordial, donde no n'è marauegia, se'l se haueraue podesto arcogier à brancae, e à sassi. Scuita digando, che per dependentia de ste tante so tribulation, ghe venne tanti dolori, che'l no podeua requiar, taliter che l'haucua perduo el cibo, e che'l sia el vero, dixe'l Poeta, che la vita ghe recresse, trouandose abbandona da Madonna, tutto bastona da i supplitiij Veneri, indebelio chiama la morte per ultimo refrigerio, ni vuol più viuer in sti tormenti, e cusi pien de aduersitae, dixe'l desnua Poeta, che'l ghe saltete i tremazzi inuersiandoghe l'interior, e metandoghe sotto fora el resto di membri, talmente, che al contrario delle altre malatie, che no se puol tegnir l'orina, e lu no podeua per muodo algun strēzer la cana posterior, che de

angossa anche essa no se lamentasse, scrochando uen-
tosicae pianziota, e inrochia, deua gran spasemo al
Poeta, che l'anema insieme, no se ne accorizando ghe
scampasse, e stando in sta malinconia, dixel Poeta,
che trouandose cargao, e circondao da tanti cattiu
nemixi, ghe uenne affanni per tutta la uita de si fat-
ta sorte, che tocchandose al liogo de la monition à
malestente giera un segno de uergha e i testicoli siap-
pü, tirai, à reuete ne, steua tutti de mala uoia: ma
el Poeta per più honestae ghe da nome de piombini,
acomparandoi à la rede, che si ben la xe circondà da
i Suri, niente de manco, un puoco'l piombo la tira
à fondi: ma el Poeta prudentissimamente parlando
in metafora, ghe da nome de piombini, e puo va-
drio à digando al fin conquassao, e mal menao per ui-
gor de slo so innamoramento, ghe sbalette un puoco
quei accidenti furiosi, donde che torna in si in que-
sti tre uersi seguenti dise

Cognosso da'che uien fle misianze,	Continua el
E uedò che'l caligo m'ha toccao,	misero Poe
Che son pi zalo, che n'è le naranze.	ta, siando in
	tel so bon
	ceruello, e
dise che'l cognosce de uera scientia, da che uien tutti	
quei ardori, passion, tremazzi, affanni, dolori, &c.	
E per no parer prolisso el le chiama misianze amoro	
se, subintelligitur per i uersi de sora, per no star à	
specificar tante sorte de trauagi, dixel anche, che'l	
caligo l'ha toccao, perche andando su l'imbrunir,	
	con-

continuamente fra quei paltani, sia da che tempo se uoia, e troua calighi grandissimi, e fosco, e niole terribile, e si no fosse i boni uini, e tante specie, che i mette in tei bructti i Valesani no poraue uiuer. E per tanto con maurissimo intelletto, el Poeta dix, che per uoler andar super loco à far reuerentia à la so colomba ha piao si fattamente de quella humiditae, che la ghe intrao in fina in le meole, e uopiando la natura cazzar fuora simel poltronario, no giera capace da si: ma conuerso quel humor reuerberao da quei odori sangheschi, uenne tutto zalo; perche (cho afferma i notomisti) la carne de l' homo è proprio cho xe la sponza, e perche ghe sta dao credulitae; che ueramente el se troua à mala condition, el fa parangon no trouando altro in quel instante che la so zalura è più scura che no xe l' naranze, che passa anchora el uero zalo, che xe'l Citron, uolendo el Poeta espedirse de dir tutto el so anemo, re strenzandose in tel bozzolo della rason uisis uidendi, e mesurando tutte quelle cose che recerca in sta sogiostra; dix in sti ultimi terzetti, che'l no puol far altro si tutto (co esplora el sauio) pious da le bande de fora.

El Poeta re

Che poss'io si me trouo desfrassao? uolzendo la

E che d'instae me uegna le buganze, mente alle

Causa; perche son ueccbio inamorao. cose che coti

tidie tempo

ribus intrauien à le creature, colpa de chi la xe, e no

podando ni tirarse in drio, ni suspender la impresa, ni

F 2 bauer

hauer pur un tantolin de fauor, che l'inuidiasse à
 proseguirla, come quel che ha misto diuersi libri de
 antighi, e moderni, che se ha trouao anche in pezor
 termene: done che anche lu al tanden se conforta
 (allegando quelle belle parole) che le un solazzo de
 quei che habbia habuo un schiaffo, e rasonar con al-
 tri che sia sta cargai de mustazzoni, e dixè al mondo,
 che poss'io, si me trouo desfrassao? idest amò una
 fassina, che xe desligà le strope, che tutti i legni va
 chi in quà, e chi in là, e à quella condition ghe par da
 esser, che tutto el so corbame corporeo, e anche e-
 strinséco crudelmente strapazzao, e mal menao, l'è
 romaso desmembrao, zoe che tutte le conzonture, e
 le cosse vnite à vn, se ha despetao, e oltra de questo asià
 do d'instae, ghe sia vegnuo le buganze, cossa fuora de
 ordene, per tal muodo, e via, el bon Poeta humilmen-
 te tollera, soffreisce, come agnello mansueto, no podan-
 do contraddir alla so mala ventura, che in fina per più
 despetto la sorte gha mandao le buganze à tempi ca-
 lidi, e per far che mo, azzo che si ben el fosse vario da
 tutte le altre circonstantie el no se possa calzar, e an-
 dar à saludar la so donna: ma stagando in barca, o in
 Vale sotto'l cason, vegna furiosamente assaltao da
 le squadre de martelli, con darghe tal colpo, che no
 n'è possibele à resister: bora ben hauendo fatto el des-
 fortunao Poeta, sta so minuta, e sto calculo, e sta so
 reuision amorosa, vuol dar fin al Son. con iusta, e sa-
 piente sententia, e dise che'l ghe sta ben, e merita-
 mente ogni disciplina, e ogni infermitae, attento, che
 da

da le cause vien i effetti; videlicet, che'l se xe andao
à innamorar in t' vna etae decrepita, descressua, des-
sauià, e con puoca virilitae innanzì trouarse tutto
pelegate, che ogni minimo straccolo, che se patisse, el
se deuenta spalliere de sagrai, talmente, che volonta-
rio el piaxe uole Poeta se sottomette à ogni censura,
come que'l che'l so stomego no ghe comporta ha vo-
lerse innamorar de ottanta anni, lagando andar de
mal barche, ree, canestri, fofsine, grisiòle, e impoucrir
se, per no attender à piar del pesce, e de san, e gaiar-
do secondo la so etae deuentar pezo, che vn paraliti-
co, e anche esser mostrao à deo da le brigae con far
historie del so poco gouerno, e sauer: pur no n'è tan-
to da incolpar el Poeta; perche con la so bocca el con-
fessa el so error de andarse à innamorar in vecchiez-
za, ruzene, lagremoso, creuao, in cusi galante sia, e de
mior grao cha lu: pur omnia rapuit Amor.

SONETTO DE CONTRARIETAE,
CON EL COMENTO.

PAxe no trouo, chel pan me fa Trouandose'l
guerra, stracco Poe-
E me pelo da fame, e si no magno, ta tutto con-
ho calze bon'e si mostro un calcagno fusò, per mil-
E volo col ceruello sotto terra. le accidenti
Tal me crede à piar, che no m'afferra, sorazonti in
nuo in paltà, e in aqua no me bagno, t' vna settema
Ston debele su i pie, ni uoio scagno, na: talmente

<i>Sò in preson, e i zaffi no me ferra.</i>	<i>che lassao el</i>
<i>Son viuo, tamen son in l'altro mōdo,</i>	<i>pescar, redu</i>
<i>Vedo senz'occhi, no ho lēgua, e crio,</i>	<i>to alle so pā</i>
<i>Sò in forno aggiazzao, piāzādo rido</i>	<i>tiere, in l'eso</i>
<i>Amo chi lioga el so, buto via'l mio,</i>	<i>lo, assaltao</i>
<i>E credo à tutti, e de mi no m'infido,</i>	<i>da le scava-</i>
<i>E cerco l Sol, e de zorno me scondo</i>	<i>muzze mon</i>
<i>Tio grue à San Segundo,</i>	<i>dane, in de-</i>
<i>Son frate, son Dottor, e son soldao,</i>	<i>scendētia de</i>
<i>Dormo, e cammino, e canto adolorao,</i>	<i>nigoro sitae,</i>
<i>Son spantoso armao,</i>	<i>cognossando</i>
<i>Ho cinque denti, e fuzo le panae,</i>	<i>con la pro-</i>
<i>Sò propio l'vn baston, fra le do spae.</i>	<i>spicacitae de</i>
	<i>le raise, in-</i>

tellettin; e può anche per el so studiar, e grauissimo natural esser cosse che bisogna gran reperi, eo massime à chi no n'è pi pontsse, bizaramente tolto un pezzo de carbon de grizzolo scrisse'l presente Sonetto; per mostrar i cagafangui, che tien in ganzega le persone, con farli saltar de palo in pertega, cho si se fosse tante zute niente de manco, chi fuze'l pugno, no scapola el baston: zoe chi scampa da no imbratarse in tei traffegamenti terreni in zouentue, à pezor condition se trona può in vecchiezza, e chel sia la veritae, el Poeta lassao cusi bella arte del pescar, spontignao dalle bizarie, se cognosce esser squasi deuentaoganzante de varij colori, ho per dir meio vn Camaleonte, cho afferma Plinio, che secondo el pano, chel se mete suso, tal deuifa el par, e à sta condition se tro

ua el liquido Poeta desquaderao, e si ghe par de esser vn pezzo in Levante, l'altro in Ponente, l'altro in mezzo di, l'altro in tramontana, conquassao da i elementi, e dalla Fortuna, e da le sorte, e anche qualche volta suffragao dalla ventura, e dalla prosperitae, pur el so principio scomenza molto fastidioso, digando cusi.

Paxe no trouo, che'l pan me fa guerra. El Poeta in sto primo verso mostra trouarse in gran calamitae, chel no troua requie, attento chel pan ghe fa guerra, zoe che trouandose senza danari, e con spesa, assaltao da carestia, no puol resistere el meschin, ni sa trouar remedio da far paxe con el pan, si la carestia no contenta, tamen par chel no se conturba, anzi constantissimo dixe.

Vuol dir che E me pelo da fame, e si no magno. con tutto che sia affamao, e che l'appetito ghe faccia paura, el no vuol nianche manzar, questo perche trouandose in cōtumacia con la so donna pien de pensieri, destalentao no podena bauer vn reposso, talmente che si ben l'hauena fame el ghe scampaua la voglia, e si no la temena, perche assae volte intrauien, che vn contrario cazzal'altro, va seguitando può in sto verso, che non ostante sti primi trauagi, ghe nasce cosa mazor.

Dixe'l me

O calze bone, e si mostro vn calcagno, li flue Poe-
ta che forse
à qualch'un ghe pareraue da stranio, che l'hauesse bo-
ne calze, e mostrar vn calcagno spesse fiae, chi no uar-
da le so cosse le va de mal, el bon brighente hauen-
dose fatto vn per de calze paonazze alla martinga-
la, e voiendo saltar in pescaressa se bagnese tutt
do i pie, done, che uoiendo sugar le calze, la, not-
te un sorze assedao ghe rosegnette tutto el scapin
in fina la canecchia: Ita che per no andar descalzo
scouene metersele à quel muodo, de qualita de spe-
rao scrine, che l'ha bẽ calze nioue: ma el mostra i cal-
cagni per rispetto de sta so desgratia, doue che con la
mente xauariando, disse chel vola, chel corre, chel
camina: al contrario del Petrarca che andaua con
el pensier c'hauera le ale in fina in cielo.

Se fa intender

E uolo col ceruello sotto terra.

el fantastico

Poeta, che col

ceruello spento dalla rabbia, andaua uolando, pezo
che ne fa le foleghe in tei canei, per sotto terra, tra
quelle altre sorte de xente; pẽrche in tutto el no vuol
el Poeta parer fuora de sentimento; che l'andasse
doue sta i rospi, e le topinere: ma infra altre creatu-
re, per passarse, la stizza chel premanua de ste so
fortune, pur con tutte ste aduersita el no se vuol
perder de anemo, come per sto uerso se inten-
derà.

Tal

El Poeta ben

Tal me crede à piar, che no m' afferra impastao, e pié
d' antiuerder ,

fa sto presente uerso: con darghe do sensi, è dixe tal
l'un me crede intender, e si se radega, perche mi so-
lo so zo che noio dir: l'altro la mia donna si crede à
piarme à stracco, con farme brutto uiso: tamen
considerando sta so ingratitudine, e mi ston pi duro,
cha un malmoro, un incolorao, e l'altra per parer
pur che à qualche tempo sia homo.

El teneris-

Nuo in paltan, e in acqua no me bagno. simo poeta
mostra in-

ste parole, che l'è tanto ben complessionao, e forte de
natura, chel nua in paltan, zoe slicege, cho fa le
anguile la ueritae si à questa, che pensando cho fa
tutti i inamorai sospetosi, che la so donna fosse an-
dà à star in berta à una peschiera d'una nale so uesti-
na giera l'acqua bassa, e fango tenero, ghe uene uo-
gia d'andar per defotto de le grisiole uia, e tanto, e
con le man, e co i pie el se aidete chel passà e n'ho tro-
uete, niète in sto mezzo l'acqua creffete, e uoi à lo pur
veder el fin, doue, che la giera per no èsser cognos-
sua tolse un per de ree in spala, e fense d'andar à ba-
tarle uestio pur con un per de vuose, idest stinaloni,
che nol bagnaua infina à i zenocchi, si chel poeta par-
tando in parabola ua drio al so disegno à digando.

Sto debele su i pie ni uoi scagno. Dixe'l frua poe
ta, che nō ostante
chel

chel giera stracco mai el se volse reposar; perche chi
 ha martello, e grinta, vol al tutto veder el compimen-
 to del so desiderio, e tanto più che tutte le persecu-
 tion à vn tempo ghe vegniua adosso, pur scrimian-
 dose da relation del so uigorofo anemo, come per si al-
 tro uerso se uede chiaramente, oculata fide.

El studioso,

Son in preson, e i zaffi no me serra. e integerrimo, e ben nu-

drigao Poeta, mostra con che arteficio el se gouerna,
 parlando scuramente, che l'è in preson d'Amor, no
 de hauer fatto giotonarie, e se'l mondo, ne il vulgo
 nol serra, e no ghe deuoda chel no se contenta, e per
 antifrasia parlando, che si ben madonna el tien un
 puocheto separao, facendo diuortio continuamente,
 uolontario el se fa so preson: e per questo el fauela,
 che nissun no l'asparenze; perche l'è schiauo, e libero
 cho ghe piaxe à lu, si come creatura humana, benche
 in tci sussequenti uersi, el para chel sia fuora de si:
 ma el Poeta beschizando vuol che se ueda la miseria
 di homeni, garbelai da le desgratie.

Son uiuo, tamen son in l'altro mondo. A notitia de
 ste parole, è
 da sauer, che quando le persone xe sbatue da i traua-
 gi mondani, se ben i manza, e che i dorme, e che i ca-
 mina ghe par da esser fuora de si, come in t'vn altro
 paese, per questo dixè'l Poeta, che si ben le uiuo, ghe
 par trouarse in tui altro aiare: tamen offuscao dal so
 infortunio, perzò el no perde'l sentimento.

Vedo

O quanti xe,
Vedo senz'occhi, no n'ho lengua, e crio. che afiando
 orbi uede da
 lontan, per tanto el mauro Poeta dixe, che afiando
 imbertonao el no ha occhi da veder el so defetto, che
 è bruta cossa à vn homu da ben, perderse drio vn pezo
 zo de carne d'vna femena, donde se scouien taxer
 ogni arlaffo, e ogni inganno fattoghe, e soffrir per no
 hauer pezo: ma stando può solo criar, lamentarse, do
 lerse de la so peruersa fortuna, come destinao, e sot
 toposto à i commandi celesti, chel fa volzer contra so
 muodo alla volontae guida di pensieri.

A conferma
Son in forno agiazzaao, piãzãdo rido. tion delle ca
 se antedite, e
 alegae: el zõze ancora el Poeta trouarse agiazzaao
 timoroso in tel forno d'Amor, e no n'è dubbio, che i
 amanti tutti xe pieni de fiamma d'ardor, e de fuogor
 ma veramente può d'agn' hora i xe freddi in saue,
 dir le so rason, ni domandar aiuto à chi ghe poraue
 dar soccorso in tun attimo: per tanto in sto verso el
 seguita la so intention.

L'ascorto Poe
Amo chi lioga el so, buto via'l mio. ta, è tutto a
 dornao de pu
 ritae, dixe chel uol ben à chi se sa gouernar con pru
 dentia, e no matescamente, como esso che s'ha butao
 alla zaffa, per esser un' homo qualificaao, e morigerao
 e honoraao tra i altri so consanguinei, e stracargo de
 amaisra-

amai stramenti: ma chi no n'è sta acchiapai da sto vischio, e dai rampegoni Venerei, però el sauiò Torcellan lassete in testamento ste parole, che mai nissun xe puouero, chi sa caualcar la ventura, doue beao è colù, che xe nassuo sotto la Luna crescente, pur mai el no n'ha restao el grizzoloso Poeta da mostàr a totus orbem sempre la so bontae, come per sto verso s'intende .

Dixè'l saoro-

E credo à tutti, e de mi no m'infido, so Poeta, che
l'è tanto gra-
uio d'amoreuolezza, e beniuolentia, e dolce de cuor,
chel crede zo che l'alde, e zo che ghe vien dito, e con-
scia, tamen el no s'infida in lu proprio; perche cho di
xe el Statuto in causa soa medema, bisogna tior un
Annocato; perche la passion no lagheraue dir ben el
fatto so, si che el no s'infida d'vsar parole in so defe-
sa, e anche per reprinter chi l'offende; perche l'è cer-
to che chi ama teme, e te mando adonca el no se puol
infidar del so anemo, e chel sia el vero, el deslanegao
Poeta voiano una cossa: el ghe va drio: ma canto,
azzo che no g'intrauegna straccolo .

Se vede con

E cerco el Sol, e de zorno me scondo. quanto con-
trapeso e l
Poeta scriue à che condition el se troua, che voian-
do inquerir della so donna sotto nome del Sol, el se
va scondando da le catt iue lengue, e dalle triste crea-
ture, che no ghe ruina la so cusi longa longa fabrica
del

del so innamoramento perzo el zorno el sta quieto, e de notte può el ua per poder daspuo el so affannoso martirio conseguir tranquila paxe; perche siando in bona con madonna del resto ogni cossa ghe pareraue lezerissima: ma pur sempre el sta in motto col ceruello digando.

Vuol che s'intenda el stangalin poeta, che inuer-

Pio grue à San Secondo.

siao da le cosse de fora l'andaua à chimerizando de cattar qualche reposso: ma in uanum laborauerunt, perche cusi cho no se pia grue à San Secondo per esser troppo liogo frequentao da i uirandanti, cusi uersa uice el no troua remedio al saldar de le so piaghe crudelissime che'l lacera, e chel bastona fina drento le raixe de le meole continuante, ancora chel poeta fruatifissimo in le lettere, se cognosce particpar de diuerse cosse.

La causa è questa

Son frate, son dottor, e sò soldao chel fa vagar con la dormo, e camino, e cāto adolorao me moria el troppo sauer, perche'l poetete da bon buelo dise che l'è frate, idest continente, e che l'è anche dottor, zoe chel fa zo che porta i andari terreni, come bon sapiente, l'è può ancora soldao, intendēdo gaiardo, à sustegnir ogni fadiga, e repararse quādo besogna uirilmēte, e si bē el par forsi à la zēte chel dorma, e lu col spīrito camina, doue più desiderio l'offende

l'offende, donde che tal uolta per sfuogar, e passar qualche affenno, si ben l'è sbatuo, e strusciao, e lu canta per no incorrer à deuentar matto (che dixe el Petrarca) chel cantaua, e sonaua per scanzelar qualche onza del so dolor, pur drento di meati el giera timido à mo un licuro, la ueritae se intenderà più diffusamente in sto mezo uersetto.

El schitolofo Poeta dixe che
 Son spauroso armao, l'è spauroso da tanti sponti-
 gnoni che ghe sa presenta-
 dauanti, àncora chel sia armao de patientia: ma no
 miga da armadura de ferro, perche mai in so uita el
 portete altro cha'l so cortelo da taiarse'l pan, e rene-
 ra le armadure de un sauiro si è la prudentia, la conti-
 nentia, e la eloquentia, altrimenti el uien tegnuo da
 vn discolo, e che l'abbia puoca robba sotto la bare-
 ta, nie de de manco sustentando le so rason arguisse,
 che con tutto chel sia uecchio l'è tanto ben comples-
 si naò da la natura, chel vuol esser gran impazzi
 che ghe uerna chel se uoia atterrà, e da bona capara
 del fatto jo, in sto fin del sonetto.

El ualoroso, e
 Ho cinque denti, e fuzo le panæ, ben còtèsto Poe
 Sò proprio l'un bastò fra le do spæ ta afferma che
 l'è homo da-
 spuo tante de sgratie, e fortune, e contrarietae, chel
 no stima niente, anzi chel no n'ha si no cinque denti
 in bocca, e si no vuol per condition del mondo man-
 zar panæ, zoe, idèst uidelicet, che si ben el poeta è
 decrepito